

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

Paasissutissiissutit

- Imm. 04** 2011-mi kvartal-ip aappaani Qeqqani Inuutissarsiornermut Siunnersuisoqatigiit suliarisimasaminnik nalunaarusiaat.
- Imm. 05** Kommunit pillugit 2011-mut nassuiaammut pisortatigoortuunngitsumik tusarniummut akissuteqaatissaq.
- Imm. 06** 2012-imut akileraarutitigut nalimmassaarutit tusarniutaanerannut akissutissaq pillugu paasissutissiissut.

Aningaasaqarnermut tunngasut

- Imm. 07** 2011-p ukiuata affaata siulliani kommunalbestyrelsip aningaasaqarnikkut nalunaarutaa.
- Imm. 08** Kangerlussuarmi inissialiornissamut kommunimit sanaartortitassat pingasut.
- Imm. 09** Allaffissornermi pisortat akissarsiaannut atugassanik immikkut aningaasaliiffigineqarnissamik qinnuteqaat.
- Imm. 10** Utoqqarnut tunngasut naapertuuttunngorsarneqarnissaat.
- Imm. 11** Tapiissutit annertusinissaannik Taseraliup qinnuteqaataa 2011-imut, ukiunullu missiliuuteqarfiusunut.

Suliassat nalinginnaasut

- Imm. 12** Paasissutissiisarnikkut attaveqarnikkullu teknologimi (PAT) nuna tamakkerlugu periusissat.
- Imm. 13** Imigassamik aalakoornartulimmik sassaallersinaanermut qinnuteqaat – Galleri Enoksen.
- Imm. 14** Tamalaat.

Ataatsimiinneq Sisimiuni ingerlanneqarpoq aallartillunilu nal. 8:30

Peqataasut:

Atassut

Søren Alaufesen, Godmand Rasmussen, Bitten Heilmann

Inuit Ataqatigiit

Ane Marie Schmidt Hansen, Anda Berthelsen, Katrine Larsen Lennert, Beathe Poulsen,
Olga B. Ljungdahl

Siumut

Hermann Berthelsen, Karl Lyberth, Evelyn Frederiksen, Alfred Olsen, Efraim Olsen,
Hans Frederik Olsen, Morten Siegstad

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Godmand Rasmussen (A) aperivoq saqqummiussani matoqqasuniit ammasunut
nunneqarsinnaanersoq.

Borgmesterip kommunalbestyrelsi qinnuigaa taaseqqullugit, Godmand Rasmussenip saqqummiussai
marluk matoqqasuniit ammasunut nuunneqassanersut.

Katrine Larsen Lennert-ip (IA) siunnersuutigaa matoqqasuniittoq imm. 04 ammasunut
nuunneqassasoq.

Siumut borgmesteri isumaqatigivaa suliata taakku marluk matoqqasunut inissinneqarsimammata.

Taasisoqarnerani imatut inissittoqarpoq:

Ammasunut nuunneqarnissaanut isumaqataasut: 1

Matoqqasuniiginnarnissaanut: 9

Taaseqataannngitsut: 5

Oqaluuserisassat akuersissutigineqarput.

Imm. 02 Borgmesterip nalunaarutaa

Aalajangiineq

Oqaaserineqartut ilanngullugit tusaatissatut tiguneqarpoq.

Imm. 03 Ataatsimiititaliani siulittaasut nalunaarutaat

Aalajangiineq

Oqaaserineqartut ilanngullugit tusaatissatut tiguneqarput.

**Imm 04 2011-mi kvartal-ip aappaani Qeqqani Inuutissarsiornermut Siunnersuisoqatigiit
suliarisimasaminnik nalunaarusiaat**

Journalnr.01.07.10

Tunuliaqutaq

Qeqqata Kommuniata Qeqqani Inuutissarsiornermut Siunnersuisoqatigiillu kiffartuussinissamik isumaqatigiissutaat naapertorlugu, QIS qaammatit pingasukkaarlugit naanerini suliarisimasatik nalunaarusiortartussaavaat.

Maleruagassatigut tunngavissat

Qeqqata Kommuniata QIS-illu akornanni kiffartuussinissamik isumaqatigiissut ulloq 24. februar 2011-mi kommunalbestyrelsimit akuersissutigineqartoq.

Pissutsit atuuttut

Kvartal-ip aappaani Siunnersuisoqatigiinniit nalunaarutit

April

Siunnersuinerit

Sisimiut 1

Maniitsoq 2

Piffissaq annertoq Arctic Circle Race 2011-p pilersaarusioneranut atorsimavoq arpanneq sioqqullugu naammassereermallu, ilaatigut pigisanik kisitsinermit nalilersuinernullu. ACR 2011 ingerlanneqarpoq 8. – 10. april peqataaffigineqarluni 120-nik nunanit assigiinngitsunit 15-niniit. ACR ukiut 15-ngortorsiorluni arpatsitsivoq. Nunat allamiut TV-liortut ulluni arpaffiusuni nutaarsiassanik nassiussuisarpoq nunani allani 240 sinnerlugit kanal-inut, aammalu 27 minutsinik aallakaatitassiussalluni nunani assigiinngitsuni takutitassamik. ACR pillugu tusagassiutit nunanit assigiinngitsuniit allaaserinnittut amerlapput aamma Rusland-imi timersornermut aviisit annersaat "Soviet Sport" allaaserinnilluni, taamaammat aappaagu Rusland-imiit peqataasussat amerlanerunissaat naatsorsuutigineqarpoq.

ACR nittartagaa ullormut alakkarneqartarpoq inunnik taamannat hundrede-nit, ullormullu amerlanerpajummata 3337-nik alakkarneqarsimalluni. ACR aqqutigalugu Sisimiut nunattalu sinnera nunani allani ussasaarutaavoq annertoq aningaasat annikitsut atorlugit tusagassiuterpasuit ilanngutassiisarmata, aammalu peqataasimasut unamminerni allani peqataagaangamik oqaluttuussisarnersigut. Ukioq manna angutini ajugaasup, Rusland-imi nunanut allanut unammisartuniittoq, Sisimiut alutorinermik angerlarami kingorna maanga feeriarsimavoq. Pilersaarutaavoq aasap ingerlanerani ACR nittartagaata nutarterneqarnissaa atuisunut atoruminarsarlugu. ACR pisariaqartittuinnarpaa atortut akisuut aammalu aningaasartuuteqartuarluni iluarsaassinermit nutaanillu pisisarnermut atortunik pisariaqarluinnartumik pitsaassuseq pigiinnarniarlugu.

Inuutissarsiornermut allatseqarfik Taseralimmi Olie conference-p pilersaarusioneranut peqataasimavoq ingerlanneqarneranilu ulluni 30. april – 1. maj aamma peqataalluni.

Inuutissarsiornermut Siunnersuisoqatigiinni aamma Arctic Circle Race-imi ataatsimeersuarnissamut pappiaqqatigut pilersaarusionerit ingerlanneqarsimapput.



Piorsaanermi pingaarnert

- Island-imi Alcoa-mut angalanissaq ajoraluartumik taamaatissimavoq ukiamullu kinguartinneqarluni
- Arctic Business Network annertunerusumik suleqatigiilernissaq
- Illoqarfittaassaq pillugu ataatsimiinnerit
- Meeqqat atuarfianni piginnaasat qaffassarnissat pillugu ataatsimiititaliami ataatsimiinnerit
- Maniitsoq Green's ataatsimiinnissaata pilersaarusionera
- EUG-mi ataatsimiinnerit
- Aallarnisaasunut oqalugiarneq "Attaveqalertarneq" pillugu
- Mersortarfiup allinissaa aammalu PKU-mi mersorneq pillugu pikkorissarneq
- Sisimiuni ataatsimiinneq

Takornariaqarneq

- A Taste of Greenland immiunnerata naammassinera aamma pilersaarutininik aqutsineq allaffissorner-taalu
- Social Media in the Wild immiunnerata naammassinera aamma pilersaarutininik aqutsineq allaffissor-nertaalu
- arcticcircle.gl naammassinera
- Nuummi seminar-i inuutissarsiornermi piorsaanermi aqqqissuinerup nutaarternera pillugu aammalu inatsisissamut tunngasortaa

Maj

Siunnersuinerit

Sisimiut 6

Maniitsoq 3

Majip aappaani Naalakkersuisunut ilaasortat Maliina Abelsen aamma Ove Karl Berthelsen Hotel Sisimiuni ataatsimeeqatigineqarput. Ilaatigullu oqallisigineqarpoq Assartuussineq pillugu Isumalioqatigiissitap isumaliutissiissutaa Naalakkersuisunut ilaasortallu marluullutik oqaatigaat isumaliu-tissiissut tamakkiisumik Naalakkersuisunit malinniarneqanngitsoq.

Inuusutisarsiornermut Aatsitassarsiornermullu Naalakkersuisup Ove Karl Berthelsen-ip International Oliekonference Taserallimmi ingerlanneqarsimasoq naamasseqqammersoq naammagisimaarpaa, neriuutigalugulu taamatut aqqqissuineq siunissami ingerlajuarumaartoq.

Nunatsinni uuliasiornermut aammalu aatsitassanut sulianut tunngatillugu Naalakkersuisunut ilaasortap neriuutigaa nunatsinni inuutissarsiuqarfiit aallaqqaataaniit peqatajumaartut. Kissaatigaa suliffeqarfiit suliniuteqassat pilersaarutininik peqataaniarnissamut periarfissanik atorluaqqullugit. Taava avataaneersut suliffiit kisimik peqataasut isiginnaaginnarnagit peqataaffigissavaat.

Aningaasarnermut Naalakkersuisup Maliina Abelsen-ip Assartuussineq pillugu Isumalioqatigiissitap isumaliutissiissutaa oqallisissiatut isigaa aalajangiisoqartinnagulu kikkunnit tamanit peqataaffiusin-naasoq. Akileraartarnermut Atugarissaarnermullu Ataatsimiititaliap inassutai siunissami oqallinnis-samut tunngaviupput pitsaasut, kisiannili nalunagu nuannarineqanngitsunik pisariaqartunilli aalajangiisarnissaq. Naalakkersuisut aningaasaliinarput pilersaarutini takusinnaagunikkulu iluanaa-ruteqarsinnaallutik.



Piorsaanermi pingaarnert

- TAMU atuarfimmik pilersaarut inuusuttunut suliffeqanngitsunut
- Ataatsimiinneq aallarnisaasunut naatsorsuusiorsinnaanermut tunngasoq
- Ruth Heilmann-imik pulaarneqarneq
- Amalie Jessen aamma Peter Olsen ataatsimeeqateqarneq umimmaat atorluarsinnaaneri pillugit AGF peqatigalugu
- School entrepreneurship across borders (aallarnisaaneq nunat killeqarfii akimorlugit)
- EUG ataatsimiinneq
- Island-imut angalanissaq pillugu ataatsimiinneq

Takornariaqarneq

- arcticcircle.gl saqqummiunneqarnera assiisvillu uani flickr.com/destinationarcticcircle
- Social Media in the Wild ussassaarutiginnissaa pillugu pilersaaruseriarneq
- Social Media in the Wild pillugu filmiliap suliarineqarnera
- cruise.arcticcircle.gl pilersinneqarnera – nittartagaq takornariat tikiffissai pillugit
- Maniitsumi illoqarfiup assianik saqqummersitsineq

Juni

Siunnersuinerit

Sisimiut 5

Maniitsoq 2

Junip aallaqqaataani Pollas Lyberth pisortanngorpoq suliassaalu allatseqarfimmi sulisunit Sisimiuni Maniitsumilu tunniunneqarlutik, kingornatigullu pisortaq Maniitsumut angalavoq arlalinnik ataatsimeeqateqarsimalluni.

Qeqqani Inuutissarsiornermi Siunnersuisoqatigiit 7. juni ataatsimeersuarmata Søren Lyberth Maniitsumeersoq siulittaasutut qinigaavoq.

ACR 30.juni ataatsimeersuarmata Kasik – Jens Klaus Lennert siulittaasutut qineqqinneqarpoq. Ukioq naatsorsuuseriffusoq allanngortinneqarpoq imaalerluni 1. maj – 30. april taamaasilluni ataatsimeersuarterneq siusinnerusukkut ingerlanneqarsinnaalerluni.

Piorsaanermi pingaarnert

- Pollas Lyberth-imik ataatsimeeqateqarneq takusaatillugulu
- Takornariaqarnermi ataatsimiitaliami ataatsimiinneq
- GrønlandsBank-ip oqaloqatigineqarnera aallarnisaasunut atukkiisarneq naatsorsuuserinermillu ilinniartitsineq
- Martin S. Christensen (Kommuneqarfik Sermersooq) qeqqusat aammalu pisassiissutinik agguarsaaneq pillugit ataatsimiinneq
- Arctic Business Network, Kina-mut puisinit tunisassiat
- Greenland Development, Alcoa-mut pilersaarusiap killiffia
- Nunaqarfimmi pilersaarut igutsaateqarneq honning-ilornerlu



Takornariaqarneq

- GTE-mi Anders Stenbakken ataatsimeeqatiginera Business-to-Business nutaap suleqatigiinnikkut ilusaa pillugu
- Social Media in the Wild ussasaarutigina pilersaarutillu aqunneqarnera
- Nutaarsiassat 02-2011
- Umiarsualiviup allinissaa pillugu ataatsimiititaliami ataatsimiinneq
- Adventure Travel World Summit 2011 aallarniutaasumik pilersaarusernera
- Arcticcircle.gl tassungalu attuumasunut nittartakkanut inerisaanissap pilersaarusernera

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggustip 16-ani 2011-mi ataatsimiinnermini suliaq paasissutissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Innersuussut akuersissutigineqarpoq.

Ilanngussaq

Ilanngussaqanngilaq

Imm. 05 Kommunit pillugit 2011-mut nassuiaammut pisortatigoortuunngitsumik tusarniummut akissuteqaatissaq

Journalnr. 16.01.05

Tunuliaqutaq

Naalackersuisut Nunamut Namminermut Pinngortitamut Avatangiisinullu Naalackersuisoqarfik aqcutigalugu kommunit pillugit 2011-mut nassuiaat maajip30-ni 2011-mi tusarniutitut nassiuppaat.

Tusarniummut akissuteqarnissaq juunip 30-nut 2011-mut killiligaavoq, Qeqqata Kommuniatalu juulip 1-ani 2011-mi akissuteqarfialugu.

Maleruagassatigut tunngavissaq

Nalunaarusiamut taamalu kommunit pillugit nalunaarusiamut akuersinissaq, aalajangersimasumik toqqammavissaqanngilaq, tamatumali malitsigisaanik assigiinngitsut atortussanngussagalarpata, tamatuma kingunerisinnaallugu inatsisinik allannguinissaq.

Qeqqata Kommuniani pingaarnertut aningaasaqarnikkut akisussaasuvoq.

Pissutsit atuuttut

Pisortatigoortuunngitsumik tusarniutaammat, kommunit pillugit 2011-mut nassuiaammi Qeqqata Kommuniata pingaarnertut kukkussutit minitallu uparuaaffigisimavai.

Aningaasaqarnikkut allaffissornikkullu kingunerisinnaasai

Kommunit pillugit 2011-mut nassuiaatip kommunit aningaasaqarnerat annertuumiki kalluarpaa, piffisangaatsiarli soqutaavinngitsunik allaaserinninnermut atorsimallugu, taamaattumik kommunit isertitaat Namminersorlutik Oqartussat naapertorlugit Namminersorlutik Oqartussat isertitaannit qaffakkiartorerullutik, soorlu isertitat tamakku ataatsimoortumik tapiissutitigut sipaaruteqarfiusariaqartut.

Allaffeqarfiup naliliinera

Kommunit pillugit nalunaarusiaq aningaasaqarnermut tunngasutigut Namminersorlutik Oqartussat illuatungiliuttut namminersorlutik oqartussat kommunillu akornanni isumaqatigiinniarnini atugassatut isikkoqarpoq. Tamanna tulluartaunngilaq, kommunimmi aningaasaqarnerat namminersorlutik oqartussat kommuninut atatillugu illuatungaannarsiorlutik sipaaruteqarniarninut annertuutigit appariaateqarnikuvoq, tamatumanilu annerusumik kommunit illoqarfiup pingaarnerep avataaniittunik eqquisuulluni.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 16-ani 2011-mi ataatsimiinnermini tusarniummut akissutissiaq tusaatissatut tiguaa.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Innersuussutigineqartoq akuerissutigineqarpoq.

Ilanngussat

1. Qeqqata Kommuniata tusarniummut akissutissaa.

***Kommunalbestyrelsen 26-ani 2011-mi ileqqusumik ataatsimiinnera 04/2011
imaqarniliornera***

2. Kommunit pillugit 2011-mut nalunaarusiaq tusarniutaasoq.



Imm. 06 2012-imut akileraarutitigut nalimmassaarutit tusarniutaanerannut akissutissaq pillugu paasissutissiissut

Journalnr. 06.08

Tunuliaqutaq

Akileraarternermut Aqutsisoqarfiup 2012-imut akileraarutitigut nalimmassaarutit maajip 23-ni 2011-mi tusarniut allakkamigut Kanukoka-mut nassiussimavaa. Tusarniaanermut akissuteqarnissaq aggustip 15-i 2011-mut killilerneqarsimavoq, Qeqqata Kommuniali aggustip 16-ianut 2011-mut sivitsuinissaminik akuerineqarluni, ulloq taanna tusarniutaasoq aningaasaqarnermut ataatsimiitalimi suliarineqassammat.

KANUKOKA-p juunip 24-ni 2011-mi allakkamigut kommunalbestyrelsini akileraarutitigut nalimmassaarutit oqallisigeqqullugit qinnuigivai, kommunit akornanni ataatsimoortumik isummernissaq siunertaralugu. Tamatumani Aningaasaqarnermut Naalakkersuisup Maliina Abelsen-ip, Kanukoka-mut allakkamigut, tassalu kommunit ataatsimoortumik kissaateqanngippata, Naalakkersuisut akileraarutitigut nalimmassaarutit qanoq iliuseqarfiginiangikkaat nalunaaruteqarsimanera patsisaagunarluni.

Maleruagassatigut tunngavissaq

Aningaasarsianit akileraarutit pillugit Inastisartut inatsisaat nr. 5, 19. maj 1979-meersoq, kingusinnerusuk 2004-mi, 2006-imi 2010-milu allanngortinneqartoq.

Namminersorlutik Oqartussat ukiut tamaasa naligiissaarinissaq kiisalu kommunit ataatsimoorussamik akileraarutitigut agguaassinissaq pillugit nalunaarusiamik akuersissuteqartarput, kingullermik ”2011-mi akileraarutitigut naligiissaanissaq aamma kommuninut ataatsimut akileraarutit agguataarneqarnissaa pillugit Namminersorlutik Oqartussat Nalunaarutaat nr. 17, 18. november 2010-meersoq”.

Pissutsit atuuttut

Aaqqissuusseqqinnermut atatillugu suleqatigiissitaliortoqarnikuuvoq, taannalu Kanukoka-miit Aningaasaqarnermullu Naalakkersuisoqarfimmiit inuttaligaalluni, taakkulu siunissami ataatsimoorussamik tapiissutit agguataarneqartarnissaa kommunillu akornanni nalimmassaarisarnissaq pillugit siunnersuusiornikuullutik. Tamakkunuunalu naatsorsueriaatsip annikitsualutsigut iluarsiiqqineqarnissaa pisariaqarsimalluni.

2012-imut nalimmassaarutissat eqqarsaatigalugit, kommunit 2011-mut sanilliullugu imatut pissarsissuallutik:

Kommune Kujalleq: 2012-imi 91,8 mio. koruunit, 2011-mi 75,2 mio. koruunit

Kommuneqarfik Sermersooq: 2012-imi 44,1 mio. koruunit, 2011-mi 14,7 mio. koruunit

Qeqqata Kommunian: 2012-imi 90,5 mio. koruunit, 2011-mi 84 mio. koruunit

Qaasuitsup Kommunian: 2012-imi 255,6 mio. koruunit, 2011-mi 253,6 mio. koruunit

Takuneqarsinnaavoq, Kommuneqarfik Sermersooq annertussuseq eqqarsaatigalugu qaffariaateqarneraaginnarani, annertunerpaamik allaat marloriaat sinnerlugu qaffariaateqartoq.

Taamaalilluni nalimmassaarinikkut ikeq annertusiartuinnarpoq, Akileraartarnermullumi Aqutsisoqarfik qupperneq 7-imi allappoq: ”taamaasillunilu naligiissaatissanut akiliutigisat annikinnerusumik appariassallutik, naligiissaanermi killiliussat 90/115%-imut allannguuteqartinneqaraluartut”. Taamaalilluni aaqqissuusseqqinnermut atatillugu nalimmassaarutitigut aaqqiissoqarsimavoq, aaqqissuusseqqinnerup siornanut sanilliullugu nalimmassaarinerunngitsumik.

Akileraartarnermullu Aqutsisoqarfik naapertorlugu taama kinguneqarluni, naak ” Kalaallit Nunaan-ni ineriartornerq ukiuni amerlanerusuni pingaarnertigut illoqarfinni annerusuni, tassalu Qaqortoq, Nuuk, Sisimiut aamma Ilulissat, pisimavoq, kisiannili ukiuni kingulliunerusuni ineriartornerq pingaarnertigut Nuummi ingerlanneqarnerusutut isumaqarfignarluni” (8).

Tamanna tunuliaqutaralugu Akileraartarnermut Aqutsisoqarfik nalimmassaarutissat pillugit nutaamik naatsorsuusiorluni siunnersuusiorsimavoq, tamatumuuna akileraarnermi nalimmassaariaaseq pitsaanerulerlugu assigiinngissutsinillu annikinnerulersitsisumik. Periutsini tamani Kommuneqarfik Sermersuumut sanilliunneqarluni Kommune Kujallermut aamma Qaasuitsup Kommunianut nalimmassaarineq pitsanngoriaateqarluni, illuatungaaticullu periutsit Qeqqata Kommunianut sunniuteqaratik. Periutsit sunniuteqarnertaatigut 16 mio. koruuninik Kommuneqarfik Sermersuumi siusinnerusumut sanilliullugu nalimmassaaruteqarluni.

Aningaasaqarnikkut allaffissornikkullu kingunerisinnaasai

Kalaallit Nunaat nunarsuarmioqataaermigut, imlt. minnerpaamik nunani avannarlerni atugarissaarinnikkut tunngasutigut, kommunit akornanni nalimmassaarutitigut atuinikinnerpaavoq, tamatumalu kinguneralugu nunatsinni naligiinngissutsit annertunerat. Taamaalilluni Kommuneqarfik Sermer-sooq ukiumi naatsorsuuseriffiusumi 2010-mi inummut ataatsimut naatsorsorlugu 63.194 koruuninik isertitaqarluni, kommunilli sinneri pingasuusut inummut ataatsimut naatsorsorlugu 52.820 koruuninik 54.415 koruuninut isertitaqarfiusimallutik.

Kommuneqarfik Sermersuumilu meerartaqannginnerullunilu inuusuttortaqaannginnerugami taamatullu utoqqaqannginnerulluni, kommunimi tassani atuartunik il.il. ikinnerusunik kiffartuussisoqassaaq, kommuninut allanut sanilliullugit aningaasaateqarnerungaatsiarlutik. Taamaattumik Kommuneqarfik Sermersuup kalaallit nunaanni kommunit sinnerinut sanilliullugu kiffartuussinikkut periarfissatigut qaffasinnerujussuarmik inissisimavoq.

Allaffeqarfiup naliliinera

Allaffeqarfik naliliivoq, Namminersorlutik Oqartussat ukiuni kingullerni kommunit akornanni naligiinngissutsitigut annertusiartortitsinnermut peqataavoq, taamaalillunilu aamma nalinginnaasumik inuiaqatigiinni. Tamannalu iliuutsitigut assigiinngitsutigut ingerlanneqarluni. Annerpaamilli inuutissarsiuteqarfiit sanaartugassallu pingaartillugit Nuummik nunatta sinnerata akiligaanik salliutitsineq. Illuliortiterneq immikkut isigigaanni aningaasaliissutit equngasorujussuarmik agguataagaapput, tamannalu annertunerusumi ersarinnerusumillu takussutissaqarlerluni, Namminersorlutik Oqartussat namminneerlutik sanaartortitsisutut inissinnerisigut, tamanna illoqarfimmi pingaarnermi inuutissarsiutillit namminersortut naammassisinnaaganngimmassuk.



Aammali Namminersorlutik Oqartussat kommuninut ataatsimoortumik tapiissutitigut sipaaruteqarujussuarnikuupput, tamannalu naligiinngissuteqarnikkut sunniuteqarluni. Tamatumuunami kommunit pilersuinikkut isumagisassaqaqarnerusunik annerpaamik eqquisuuvoq. Tamannalu pisarpoq, tassa ataatsimoortumik tapiissutit Namminersorlutik Oqartussaniit kommuninut tunniunneqartarmata, inatsisitigut pisussaaffinnut atatillugit, tassa Namminersorlutik Oqartussat assersuutigalugu atuarfeqarfinnut tunngasutigut il.il. aalajangersagaat. Namminersorlutillu Oqartussat massakkumut ukiukkaartumik ataatsimoortumik tapiissutissat pikkorippallaamik nassuiaasersuinerikkut annikillisaruartatigut, kommunillu meerartaqarnerit, inuusuttaqarnerit taamatullu utoqqartaqarnerit annerpaamik eqqugaasarlutik.

Pingajoraallu Namminersorlutik Oqartussat assigiinngisitsinermik politikkiata kingunerimmagu, nunanit allaneersut akileraartinneqartarnissaat. Isertitat tamakku erngup nukinga atorlugu nukissiorfiliorneersut alumiiniumillu aatsiteriffiliorfissameertussat, taamatullu paaaviinnersuussat imaluunniit uulimik qalluinermeersut, kommuninut tuttussaajunnaarlutik nunatta karsianut tuttusanngormata, taava tamatumani kommunit eqqugaassapput, inuutissarsiuuteqarnikkut ineriartortitsinermi ilungersornerullutik ingerlanialertussat. Taamaakkaluartorli kommuni alumiiniuk pilersaaruteqarfusooq, uuliamik piginneqatigiiffiit paaavissallu nunatsinni piginnittuisa allaffissornikkut inissifigisassaat, akileraartutitigut isertitanik pissarsiaqassaaq. Tamatumalu naligiinngissutsip sulii annertunerulernissaa kingunerissallugu.

Taamaattumik allaffeqarfik naliliivoq, Kalaallit Nunaanni naligiinngissuseq annertusooq, ukiunilu kingullerni annertuutitigut qaffariarsimasooq. Tamatuma saniatigut naligiinnginneq annertuumik qaffariaqqisssaaq, tamatumuuna Namminersorlutik Oqartussat politikkerit allanngortinngippassuk. Allaffeqarfiullu isumaa naapertorlugu pisariaqarpoq, nalimmassaarinikkut modellimik allamik nassaarniarnissaaq, tamatumuunalu kommunit naligiinnerulernissaat aqutissiuullugu. Siunnersuut Akileraartarnermut Aqutsisoqarfimmeersooq piusooq, nalimmassaarinikkut atuuttukkut pisolalillunilu naligiinngisitsisusooq annikinnerusutiguinnaq aaqqiissuteqataasaaq.

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap aggstip 16-ani 2011-mi ataatsimiinnermini akuersissutigivai,

Qeqqata Kommuniatit tusarniummut akissutitut, matuma siuliini kalaallit nunatsinni naligiinngisitsinerup annertusiartuinnaarneranik eqqartukkat oqariartuutigineqassasut

Qeqqata Kommuniata innersuussutigissagaa, nalimmassaarinikkut periusissat allaanerusut annertunerusullu isiginiarneqartariaqartut, taamaalilluni kalaallit nunatsinni naligiinngissutsip annikillisinneqarnissaa anguniarlugu

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Innersuussutigineqartoq akuerineqarpoq.

Ilanngussaq

1. Akileraartarnermut Aqutsisoqarfiup 2012-imi akileraartutitigut naligiissaanissamik aaqqiissuussineq pillugu allakkiaa maajip 23-ni 2011-meersooq



**Kommunalbestyrelsip aggstip 26-ani 2011-mi ileqqusumik ataatsiminnera 04/2011
imaqarniliornera**

Imm. 07 2011-p ukiuata affaata siulliani kommunalbestyrelsip aningaasaqarnikkut nalunaarutaa

Journalnr. 06.00

Pissutsit atuuttut

Ukioq naallugu atsikkutigissaartumik ingerlasimagaluaruni atuineq/iserititaqarneq 50,0 procenti-miissagaluarpoq

Qeqqata Kommunia 2011-mi ukiup affaanut nalunaarutaa	Miss. Ukiumoortut iluarsisat	Naaatsorsuutitut ikkutat	2011 %-nngorlugu
Allaffissornermut tunngasut	90.474	49.862	55,1
Teknikkimut tunngasut	36.456	16.386	44,9
Suliffissaqartitsiniarneq inuutissarsiutillu	21.475	11.411	53,1
Ilaqutariinnermut tunngasut	169.221	77.376	45,7
Ilinniartitaaneq kulturilu	205.009	106.203	51,8
Pilersuinnermut tunngasut	6.445	2.660	41,3
Ingerlatsinerimi aningaasartuutit katillugit	529.080	263.898	49,9
Sanaartornermi aningaasartuutit	115.267	3.536	3,1
Aningaasartuutit katillugit	644.347	267.434	41,5
Ingerlatsinerimi isertitat	-572.293	-260.014	45,4
Karsimiittuutit nikerarnerat	32.393.000	7.420	
Killiffimmi nikerarneq	5.000.000		
Katillugit	37.393.000		

Neg. tal er indt/overskud & pos. tal er udg/undersk.
Kisitsisit (-) tallit = isertitat/sinneqartoorutit
Kisitsisit (+) tallit = aningaasartuutit amigatoorutit

Allaffissornermi imikkoortut

Allaffissornermi imm. (1.000 kr.)		Miss.	Imm.aning.	Akuers.	Atuineq	Sinneri	Atuineq
Konto	Kontop taaguutaa						
10	Qinikkanut aningaasartuutit	7.939	-750	7.189	3.286	3.903	45,7%
11	Kommunimi allaffissorneq	68.844	-1.091	67.753	39.497	28.256	58,3%
12	kantina	972	0	972	743	229	76,4%
13	IT	8.284	-1.000	7.284	2.130	5.154	29,2%
18	Akimoortumik suliat	7.376	-100	7.276	4.206	3.070	57,8%
Katillugit		93.415	-2.941	90.474	49.862	40.612	55,1%

Allaffissornermi immikkoortuni aningaasaliissutinit 90,5 mio. koruuniusuniit ataatsimut katillugit 49,9 mio. koruuninik atuisoqarsimavoq. Atuisimaneq procentinngorlugu 55,1-miilluni.

Qinikkanut aningaasartuutitut aningaasaliissutinit 7,2 mio. koruuniusuniit katillugit 3,3 mio. koruuninik atuisoqarsimavoq. Atuisimaneq procentinngorlugu 45,7-miilluni, tamannalu 300 tusind koruunit missaani atuinikinnerulluni.

Kommunimi allaffissornermi aningaasaliissutinit 67,8 mio. koruuniusuniit katillugit 39,5 mio. koruuninik atuisoqarsimavoq. Atuineq procentinngorlugu 58,3-miilluni. Atuinerusuimaneq isumaqatigiissutit malillugit akissarsiat tungaasigut nalimmasaasimanermik pissuteqarneruvoq.

Kantinamik ingerlatsinerimi atuiallaartoqarpoq, tamannalu A/S INT p akileeqaataassutissani aatsaat ukiup naanerani akiliisarneranik pissuteqarpoq.



**Kommunalbestyrelsip aggstip 26-ani 2011-mi ileqqusumik ataatsimiinnera 04/2011
imaqarniliornera**

Qarasaasiaqarnermut tunngasunut tamakkiisumik aningaasaliissutaasuniit 7,3 mio. koruuniusuniit 2,1 mio. koruuninik atuisoqarpoq. Atuineq procentinngorlugu 29,2-miilluni. Aningaasartuutit ilaat kukkunikkut konto 11-miit konto 13-imut nuunneqarsimannngillat, ingammik akissarsianut aningaasartuutit. Tamanna iluarsineqassaaq.

Akimoortumik sulianut aningaasaliissutaasuniit 7,3 mio. koruuninuisuniit 4,2 mio. koruuninik atuisoqarpoq. Atuineq procentinngorlugu 57,8-miilluni. Atuineq annertunerusumik patsiseqarpoq, kommunip sillimmasiissutaanut tunngasut ukiumut akiliutaasartut 2011-mi marsimi akilerneqarsimanerat. Nunaqarfiit nammineq atugassamittut kontoanni aningaasaliissutaasut atornissaat tunuarsimaarfigisimavaat.

Teknikki

Teknikki (1.000 kr.)		Miss.	imm.aning.	Akuersis.	Atuineq	Sinneri	Atuineq
Konto	Kontop taaguutaa						
20	Aqq., ikaartarfiit, majuartarfiit sanaartornerlu	7.700	-742	6.958	1.830	5.128	26,3%
21	Saligaatsuutitsineq aputaajaanerlu	7.427	-203	7.224	4.716	2.508	65,3%
22	Pisuussutit uumassusillit	230	-5	225	101	124	44,9%
23	Kommunip suliffeqarfii assigiinngitsut	3.918	-188	3.730	2.078	1.652	55,7%
25	Qatserisartoqarneq	6.842	-224	6.618	2.128	4.490	32,2%
27	Teknikkikkut suliaqarfiit allat	11.719	-18	11.701	5.533	6.168	47,3%
Katillugit		37.836	-1.380	36.456	16.386	20.070	44,9%

Teknikkimi aningaasaliissutinit 36,5 mio. koruuniusuniit ataatsimut katillugit 16,4 mio. koruuninik atuisoqarsimavoq. Atuisimaneq procentinngorlugu 44,9-miilluni.

Saligaatsuutitsineq aputaajaanerlu (konto 21) atuivallaarfiuvoq, ilaatigut Sisimiuni aputaajaanermi aningaasaliissutaasuniit 80 procentimik atuisimanermik pissuteqartumik.

Suliffissaqartitsiniarneq inuutissarsiutillu

Suliffissaqartitsiniarneq inuutissarsiutillu (1.000 kr.)		Miss.	Imm.aning.	Akuers.	Atuineq	Sinneri	Atuineq
Konto	Kontop taaguutaa						
34	Suliassaqartitsiniutit	5.218	-922	4.296	1.286	3.010	29,9%
35	Piginnaangorsaaneq	1.334	157	1.491	1.154	337	77,4%
36	Illunik inuutissarsiuteqarfiusunik attartortitsineq	-2.463	0	-2.463	-1.563	-900	63,5%
37	Kommunip inuutissarsiutitigut peqataaffii	4.153	-260	3.893	1.569	2.324	40,3%
38	Piareersarfimmi illitserisutit ilisarititsinerlu	14.265	-7	14.258	8.966	5.292	62,9%
Katillugit		22.507	-1.032	21.475	11.412	10.063	53,1%

Suliffissaqartitsiniarneq inuutissarsiutillu aningaasaliissutinit 21,4 mio. koruuniusuniit ataatsimut katillugit 11,4 mio. koruuninik atuiffiusimavoq. Atuisimaneq procentinngorlugu 53,1-miilluni.

Piginnaangorsaaneq atuiffiuvallaarpoq, ilaatigut suliffeqarfiit piginnaangorsaanerini akiliuteqarnermik, atuarfinnilu atuagarsorfiusuni pikkorissarnernik pisisimanernik pissuteqartumik.

illunik attartortitsinermi isertitat siumoortumik akilerneqartarnerinik pissuteqartumik, illunik inuutissarsiuteqarfiusunik attartortitsinermi amerlanerusunik isertitaqarfiuvoq.



**Kommunalbestyrelsen aggstip 26-ani 2011-mi ileqqusumik ataatsimiinnera 04/2011
imaqarniliornera**

Ukiup qaammataani pingasuni siullerni suliffissaarukkallarnek (konto 38-02) annertuumik qaffariaateqarnerani annertussusilerikkani ikiorsiissutinik tunniussaqsimanermik pissuteqarnerusumik Piareersarfimmi ilitsersuineq ilisarititsinermilu ukiup affaani siullermi atuivallaarfiuvoq. Tassani katillugit 3,8 mio. koruunit missaani tunniussisoqarpoq. 2010-mi piffissami tassani 1,3 mio. koruunit missaaniittut tunniunneqarput – tunniussinerni qaffariaat 2,5 mio. koruunit missaaniilluni. Atuinerup annertuseriarnera aalisakkeriviup matuneranik pissuteqartumik suliffissaaleqinerup qaffariaateqarneranut, piffissamilu tassani Sisimiuni sanaartorerup appasissimaneranut naapertuuppoq. Taamaaattumik piaartumik immikkut aningaasaliisoqarnissaanik/nuutsisoqarnissaanik qinnuteqartoqarnissaa pisariaqarpoq, taamaammallu Inuutissarsiornermut Suliffissaqartitsiniarnermullu ataatsimiititaliaq oqaluuserisassani immikkoortumi allami taamatut innersuusiorpoq.

Ilaqtariinnermut immikkoortorta

Ilaqtariinnermut immikkoortorta (1.000 kr.)		Miss.	Im.taning.	Akuers.	Atuineq	Sinneri	Atuineq
Konto	Kontop taaguutaa						
40	Sisimiuni akiliunneqarluni meeqqerivimmiitsineq	260	0	260	66	194	25,4%
41	Meeqqanut ikiorsiiniutit	12.679	0	12.679	8.656	4.023	68,3%
43	Siusinaartumik pensionit	12.069	-500	11.569	7.006	4.563	60,6%
44	Meeqqanut akilersuutit	403	0	403	131	272	32,5%
45	Pisortanit ikiorsiissutit	13.124	-340	12.784	7.422	5.362	58,1%
46	Isumaginninnikkut aningaasartuutit allat	9.504	0	9.504	4.619	4.885	48,6%
47	Utoqqarnik isumaginninneq	51.922	-1.198	50.724	29.250	21.474	57,7%
48	Innarluutilinnut tunngasut	65.708	0	65.708	16.568	49.140	25,2%
49	Isumaginninnikkut aningaasartuutit allat	6.048	-458	5.590	3.659	1.931	65,5%
Katillugit		171.717	-2.496	169.221	77.377	91.844	45,7%

Ilaqtariinnermut immikkoortortami aningaasaliissutit 169,2 mio. koruuniusuniit ataatsimut katillugit 77,4 mio. koruuninik atuisoqarsimavoq. Atuisimaneq procentinngorlugu 45,7-imiilluni.

Meeqqanut ikiorsiiniutit atuivallaarfiuvoq, taanna ulloq unnuarlu paaqqinnittarfinnut namminersortunut (konto 41-03) inissisimanernik pissuteqarpoq. Kontomi atuisimaneq ukiumut aningaasaliissutaasuniit 6,3 mio. koruuniusuniit piffissami matumani 372 tusind koruuninik atuiffiuvallaarfiuvoq. 2011-mut atuineq ukiup affaanut maannamut naatsorsorlugu 13 mio. koruunit missaanut naatsorsorneqarsinnaavoq, tamannalu aningaasaliissutaasuniit 7 mio. koruunit missaaniittunik annertuneruvoq. Namminersorlutik Oqartussat aammalu namminersorlutik ulloq unnuarlu inissiisarfutaasa suliassaq naammaginarumik naammassisarneraat nalilersorneqarnissaa pisariaqarsorinarpoq, tassa immikkoortumi aningaasartuutit atornerarnerat annertusigaluttuinnarmat. Aammattaaq piaartumik immikkut aningaasaliisoqarnissaanut/nuutsisoqarnissaanut qinnuteqarnissaaq pisariaqarpoq.

Siusinaartumik pensionit atuivallaarfiupput, pensionit siumoortumik tunniunneqartarnerannik pissuteqarnerusumik. Atuineq nalunaarsorneqarsimasooq qaammatit arfineq-marlunniippoq. 2010-mi decembarip naanerani siusinaartumik pensionisiallit nalunaarsorneqarsimasut 202-upput aammalu 2011-milu juunip naanerani 201-iullutik – appariaat siusinaartumik pensionisialik ataaseq.

Pisortanit ikiorsiissutit Sisimiuni, kisianni aamma Sarfannguani annertuumik atuivallaarfiuvoq. 2011-mut atuineq ukiup affaanut maannamut naatsorsorlugu 15 mio. koruunit missanut naatsorsorneqarsinnaavoq, taamaalillunilu aningaasaliissutaasuniit 3 mio. koruunit missaani atuiffiunerulluni. Tamaalilluni piaartumik immikkut aningaasaliisoqarnissaanut/nuutsisoqarnissaanut qinnuteqarnissaaq pisariaqarpoq.



Sisimiuni Maniitsumilu Utoqqaat Angerlarsimaffiinit pissuteqartumik, utoqqarnik isumagiinninnek atuiffuallaarpoq. Utoqqaat Angerlarsimaffiini marluusuni akissarsiani annertuumik atuivallaartoqarpoq, tamannalu sulisut amerlassusilerneqarnerata aqunneqarnissaata aallunneqarnissaata amigaateqarneranut aammalu ataatsimut isigalugu aningaasanik aqutsinerup amigaateqarneranik ersersitsivoq. Taamaattumik sulisut amerlassusiligaanerata missingersuutitut piaartumik nalimmassarnissaa aammalu immikkut aningaasaliissutinik/nuutsinissanik qinnuteqarnissaq pisariaqarpoq.

Innarluutilinnut tunngasut annertuumik atuivallaarput, tamannalu Kalaallit Nunaanni Qallunaallu Nunaanni ulloq unnuarlu inissiisarfanni ineqartitsinerit naammattumik kontererneqartarsimanginnerinik pissuteqarpoq. 2011-mi januaarip aallaqqaataa aallarnerfigalugu innarluutilinnut immikkoortoq kommuninut tunniunneqarpoq, kisianni tunniussineq missingersuutit akuerineqarnissaata tungaanut nukingisaarutaavallaarsimavoq. Taamaattumik missingersuusiordermi aningaasaliissutit utaqqiisaasumik kontomut ataatsimoorussamut inissinneqarallarsimapput, taamaattumillu tamatuma kingorna piaartumik illoqarfiit nunaqarfiillu akornanni imaluunniit minnerpaamik Sisimiut Maniitsullu immikkoortuini agguataarisooqarsimassagaluarpoq. Tamanna suli pinngilaq, tamatumalu aningaasanik aqutsineq ajornakusoortittorujussuuvaa. Innarluutilinnut tunngasuni aningaasaliissutaasunik piaartumik nuutsinissamik nassiussisoqartariaqarpoq.

Isumaginnikkut aningaasartuutit allat annertuumik atuivallaarput, tamannalu Namminersorlutik Oqartussaniit tapiissutit aatsaat ukiup sisamararterutaata pingajuani aningaasaliissutit kontererneqarsimanerannik pissuteqarneruvoq.

Ukioq kingulleq piffissami tassani Kommunalbestyrelsip Ilaqutariinnermut ataatsimiititaliaq qinnuvigaa, aningaasaqarnermik aqutsinerup annertuumik sukaterneqarnissaa.

Ilinniartitaaneq kulturilu

Ilinniartitaaneq kulturilu (1.000 kr.)		Miss.	Im.aning.	Akuersis.	Atuineq	Sinneri	Atuineq
Konto	Kontop taaguutaa						
50	Ulluunerani meeqqanik inuusuttunillu samissassaqaartitsineq	67.165	-2.165	65.000	31.858	33.142	49,0%
51	Atuarfeqrneq	115.624	-5.688	109.936	58.948	50.988	53,6%
53	Sunngiffimmi sammissassaqaartitsineq	14.234	-539	13.695	6.075	7.620	44,4%
55	Atuakkanik atorniartarfeqrneq	2.218	-68	2.150	1.184	966	55,1%
56	Katersugaasiveqrneq	2.968	413	3.381	1.443	1.938	42,7%
59	Kulturikkut sammisaqaartitsineq paasissutissiinerlu	11.359	-512	10.847	6.694	4.153	61,7%
Katillugit		213.568	-8.559	205.009	106.202	98.807	51,8%

Ilinniartitaanermi kulturimilu aningaasaliissutinit 205,0 mio. koruuniusuniit ataatsimut katillugit 106,2 mio. koruuninik atuisooqarsimavoq. Atuisimaneq procentinngorlugu 51,8-miilluni.

Atuarfeqarfik Sisimiuni atuarfiit ineqarfiutaannut kommuninut allanit meeqqat atuarfiini atuartunik tiguisooqarsimanginneranut sanilliullugu suli missingersuutit iluarsineqarsimangillat. Ukioq kingulleq piffissap taamaalinerani Kommunalbestyrelsip UKFU-mut missingersuutinik iluarsisimanginneq oqaaseqaatigaa. Maanna ukiut pingasut ingerlareerput, Kangaatsiap Kommunerisimasaanit atuartut Sisimiuni atuarfiup ineqarfiutaanik atuiunnaarmatali. Tamaattumik missingersuutit iluarsineqarnissaat suli pisariaqarpoq.

Kulturikkut sammisaqaartitsinerit paasissutissiinerillu assigiinngitsut annertuumik atuiffiupput, kulturikkut illorsuarmut Taseralimmut ukiup sisamararterutaata pingajuanut tapiissutit akilerneqarsimaneramik pissuteqatamik.



**Kommunalbestyrelsip aggstip 26-ani 2011-mi ileqquusumik ataatsimiinnera 04/2011
imaqarniliornera**

Pilersuinnermut tunngasut

Pilersuinnermut tunngasut (1.000 kr.)		Miss.	Im.aning.	Akuers.	Atuineq	Sinneri	Atuineq
Konto	Kontop taaguutaa						
66	Eqqaavilerineq	4.597	-479	4.118	375	3.743	9,1%
68	Allatigut pilersuinerit	2.584	-257	2.327	2.285	42	98,2%
Katillugit		7.181	-736	6.445	2.660	3.785	41,3%

Pilersuinnermut tunngasutigit aningaasaliissutinit 6,4 mio. koruuniusuniit ataatsimut katillugit 2,7 mio. koruuninik atuisoqarsimavoq. Atuisimaneq procentinngorlugu 41,3-miilluni.

Eqqaavilerineq il.il. annikippallaarujussuarmik atuiffiuvoq, taanna ilaatigut eqqaavilerinermi akiliutaasunik pissuteqarpoq. Aammattaaq kontoqarpoq aningaasaliiffigisanik killilerujussuarmilluunniit atuiffiusimasunik. Taanna Sisimiuni eqqaavissuarmut kontomut kiisalu Avatangiisinut suliffeqarfinit kontomut atuuppoq.

Allatigut pilersuinnermut suliffeqarfiit atuiffiuallaarput Sisimiuni ikuallaavimmi annertuumik atuiffiuallaarnermik, akissarsianut aningaasartuuteqarnerusimanermik annikippallaamillu isertitaqarsimanermik pisuussuteqartinneqarsinnaasut.

Sanaartornermut immikkoortut

Sanaartornermut immikkoortut (1.000 kr.)		Miss.	Im.aning.	Akuersis.	Atuineq	Sinneri	Atuineq
Konto	Kontop taaguutaa						
70	Sanaartornermut aningaasaliissutit - illup avataaniittunut	25.101	4.069	29.170	235	28.935	0,8%
72	Sanaartornermut aningaasaliissutit - teknikkimut tunngasutigit	13.459	15.911	29.370	1.500	27.870	5,1%
73	Sanaartornermut aningaasaliissutit - suliffisaqartitsiniarnermi inuutissarsiutillu	0	215	215	197	18	91,6%
74	Sanaartornermut aningaasaliissutit - ilaquartiiinnermut tunngasut	0	0	0	-50	50	0,0%
75	Sanaartornermut aningaasaliissutit - ilinniartitaaneq kulturilul	21.086	8.267	29.353	2.569	26.784	8,8%
76	Sanaartornermut aningaasaliissutit - pilersuinnermut tunngasut	0	3.370	3.370	0	3.370	0,0%
77	Sanaartornermut aningaasaliissutit - sanaartorfigissaanermut tunng	6.000	17.789	23.789	-915	24.704	-3,8%
Katillugit		65.646	49.621	115.267	3.536	111.731	3,1%

Sanaartornermut tunngasutigit aningaasaliissutinit 115,3 mio. koruuniusuniit ataatsimut katillugit 3,5 mio. koruuninik atuisoqarsimavoq. Atuisimaneq procentinngorlugu 3,1-miilluni. 2010-mi piffissami tassani 16,5 mio. koruuninik atuisoqarsimalluni, atuineq procentinngorlugu 46,4-miissimalluni.

Atuisimanerup appasinneranut sanaartornermut aningaasaliissutit annersaanit pissutaasut annerpaat tullinnguuttut ukuupput:

Illup avataaniittunut (najuqarfiit) pissutaasoq annersaasoq tassaavoq, Namminersorlutik Oqartussat inissialiorniarnerat ingerlaavartumik allanngorartinneqarmat, Sisimiunilu utoqqarnut inissianik sanaartornissaq kinguaattoorfiulluni, kiisalu Maniitsumi utoqqarnut inissialiassat aningaasaliiffiqeqarsut nunaqarfinit sanariaannaat ukiup affaata appaani aatsaat aallartinneqarnissaannik pissuteqarpoq.

Teknikkikkut tunngasuni Sisimiuni Maniitsumilu kuuffissuarnik iluarsartuussinissat sulil iluamik aallartinneqanngilaq, Sisimiuni qatserisartut biilissaannik pisinissaq qatserutaasivimmi inissaaleqineq pissutigalugu kinguartinneqarpoq kiisalu Kangerluarsunnguami aqquserngup inuutissarsiorfiusussaq kinguaattooqqalluni.

Ilinniartitaanermut kulturimullu tunngasuni Sisimiuni meeqqeriviliornissaq kinguaattooqqavoq, Maniitsumilu aasaq manna aatsaat iluamik aallartisarneqarluni.



**Kommunalbestyrelsen 26-ani 2011-mi ileqqusumik ataatsiminnera 04/2011
imaqarniliornera**

Pilersuinnermut tunngasuni Sisimiuni ikuallaaviup iluarsartuunneqarsinnaaneraniq periarfissat misissorneqarput. Sulisut paarlakaannerat pissutigalugu kinguaattoornikuuvoq.

Sanaartorfigissaanermi ingammik Akiani sanaartorfigissaaneq Sisimiunilu umiarsualivimmi aqqusinnermik allannortitsineq kinguaattoorfiupput. Akiani asfalteerinnissaq ukioq kingulleq ukiumik ataatsimik kinguartinneqarpoq, taamaalilluni aqqusineq toqqaarnissamat, umiarsualivimmi nassiussat puusa nuunneqarnissaat naatsorsuutigisaniit ajornakusoornerusimavoq.

Sumiiffinni atuiffiusuni atuisimaneq

Ingerlatsinikkut aningaasartuutit sumiiffinni sanaartukkat ilannullugit (1. Sted Sumiiffik)		Miss.	Imm.aning	Akuers.	Atuineq	Sinneri	Atuineq
Illoqarfiit nunaqarfiillu katillugit		40.423	31.799	72.222	7.432	64.821	10,3%
A	SISIMIUT	269.360	32.631	301.991	124.308	177.683	41,2%
B	KANGERLUSSUAQ	31.345	-1.218	30.127	9.558	20.569	31,7%
C	SARFANNGUIT	6.772	235	7.007	3.285	3.722	46,9%
D	ITILLEQ	6.913	-546	6.367	2.976	3.391	46,7%
E	Nunaqarfinni ataatsimoorussat	1.320	0	1.320	428	892	32,4%
F	KANGAAMIUT	18.744	1.052	19.796	8.425	11.371	42,6%
G	ATAMMIK	7.920	448	8.368	3.146	5.222	37,6%
H	NAPASQ	4.417	-150	4.267	1.704	2.563	39,9%
I	MANIITSQ	148.004	3.135	151.139	77.787	73.352	51,5%
J	Ataatsimoorut	-454.372	-3.788	-458.160	-224.216	-233.944	48,9%
A	SISIMIUT	269.360	32.631	301.991	129.823	172.168	43,0%
1	Allaffissornermut tunngasut	24.987	-516	24.471	13.784	10.687	56,3%
2	Teknikki	18.125	-419	17.706	9.327	8.379	52,7%
3	Suliffissaqartitsiniarneq inuutissarsiutillu	9.577	63	9.640	6.760	2.880	70,1%
4	Ilaqutariinnermut immikkoortortaq	51.035	-2.196	48.839	38.382	10.457	78,6%
5	Ilinniartitaaneq kulturilu	120.654	-3.914	116.740	59.302	57.438	50,8%
6	Pilersuinnermut tunngasut	3.087	-278	2.809	1.694	1.115	60,3%
7	Sanaartornermut tunngasut	41.895	39.891	81.786	574	81.212	0,7%
I	MANIITSQ	148.004	3.135	151.139	78.444	72.695	51,9%
1	Allaffissornermut tunngasut	14.263	-275	13.988	7.870	6.118	56,3%
2	Teknikki	9.373	-184	9.189	4.127	5.062	44,9%
3	Suliffissaqartitsiniarneq inuutissarsiutillu	6.521	-235	6.286	2.632	3.654	41,9%
4	Ilaqutariinnermut immikkoortortaq	45.420	-260	45.160	32.301	12.859	71,5%
5	Ilinniartitaaneq kulturilu	55.872	-2.910	52.962	29.100	23.862	54,9%
6	Pilersuinnermut tunngasut	1.739	-458	1.281	145	1.136	11,3%
7	Sanaartornermut tunngasut	14.816	7.457	22.273	2.269	20.004	10,2%

Ingerlatsinikkut nunaqarfinni atuisimaneq naatsorsuutigisatut ingerlavoq. Sisimiuni Suliffissaqartitsiniarnermut inuutissarsiutinullu tunngasuni kiisalu Ilaqutariinnermut immikkoortortami annertuumik atuiavallaartoqarpoq, Maniitsumilu Ilaqutariinnermut immikkoortortami atuiavallaartoqarluni.

Akilerarutit, tapiissutit nalimmassaarutillu

Akilerarutit, tapiissutit nalimmassaarutillu (1.000 kr.)		Miss.	Imm.aning	Akuers.	Atuineq	Sinneri	Atuineq
Konto	Kontop taaguataa						%-nngolu
80	Inuit isertitamikkut akilerarutaat	-275.600	0	-275.600	-114.860	-160.740	41,7%
81	Selskabet akilerarutaat	-4.000	0	-4.000	0	-4.000	0,0%
83	Tapiissutit nalinginnaasut nalimmassaarutillu	-275.239	0	-275.239	-137.731	-275.101	50,0%
Katillugit		-554.839	0	-554.839	-252.591	-439.841	45,5%

Qeqqata Kommunia akilerarutitigut, tapiissutitigut nalimmassaarutitigullu aningaasaliissutinit 554,8 mio. koruuniusuniit ataatsimut katillugit 252,6 mio. koruuninik isertitaqarpoq. Atuisimaneq procentinngorlugu 45,5-imiilluni.



**Kommunalbestyrelsep aggustip 26-ani 2011-mi ileqquusumik ataatsimiinnera 04/2011
imaqarniliornera**

Isertitatigut akileraarutit, juuni ilanngullugu ukiup siulianisulli annertutigipput, tak. Namminersorlutik Oqartussat isertitatut naatsorsuutaat. 2011-mut Selskabet akileraarutaat (konto 81-01) 2012 naalernerani akilerneqassapput.

Isertitat allat isumakkeerinnissutillu

Isertitat allat isumakkeerinnissutillu (1.000 kr.)		Miss.	Imm.aning.	Akuers.	Atuineq	Sinneri	Atuineq
Konto	Kontonavn						
85	Erniat, aningaasaliissutit erniaat paapilaatillu	-12.976	0	-12.976	-5.085	-7.891	39,2%
86	Isertitat allat	-4.600	-289	-4.889	-2.362	-2.527	48,3%
88	Isumakkeerinninnerit	1.100	0	1.100	-6	1.106	-0,5%
Katillugit		-16.476	-289	-16.765	-7.453	-9.312	44,5%

Qeqqata Kommunia 2011-imi ukiup affaani siullermi erniatigut, aningaasaliissutit erniaasigut, illuutit tuninerisigut, sanaartorfigissaanikkut kiisalu isumakkeerinninnikkut tamakkiisumik aningaasaliissutinit -16,8 mio. koruuniniit -7,5 mio. koruuninik isertitaqarpoq. Isertitat procentinngorlugit 44,5-imiipput.

Erniatigut isertitat (konto 85-01) niuffaffinni erniat appasinnerinik sunnerneqaqqavoq. Illuutininik attartortittakkani (konto 85-04) aningaasaliissutit erniaasigut qaammatinut tallimanut akiliisoqarpoq, tamannalu Sisimiuni Maniitsumilu INI qaammammik kingumoortumik akiliuteqartarneranik pissuteqarpoq.

Isumakkeerinninneq (konto 88). Isumakkeerinninnerit pillugit isertitat ilaatigut checkit aningaasannngortinneqanngitsunik pissuteqarpoq. Isumakkeerinninnerit pillugit suliasat AA-p decembarimi ataatsimiinnissaani akuerisassanngorlugit saqqummiunneqassapput.

Ukiup naanissanut aningaasaatissatut naatsorsuutigisat

2011-p aallartinnerani aningaasaatit	84.767.253
2011-mi missingersuutitigut ing.naammassisat	-40.555.000
Killiffimmi nikeraatit	-5.000.000
Immikkut aningaasaliissutit	<u>-32.393.000</u>
Katillugit karsimiittuutit nikinneri	-77.948.000
2011-p naaneranut aningaasaatit	6.819.253

Ukiup naaneranut pigisat nalillit (aningaasaatit) 77,2 mio. koruuniniit 7,0 mio. koruuninut appariarnissaat naatsorsuutigineqarpoq. Taama naatsorsuutiginninnermi 2011-p aallartinnerani aningaasaatit, 2011-mi missingersuutitigut ingerlatsinikkut naammassisassatut naatsorsuutigisat, aningaasaatit nikeraatissaat (40-60 aqqutigalugu attartortitsineq) taamatullu ullumikkumut immikkut aningaasaliissutaasimasut toqqammavigineqarput.

Sanaartornermut ingerlatsinermullu aningaasartuutinit tamakkiisuniit (644,3 mio. koruunit), imaluunniit 32,2 mio. koruuniniit akiliisinnaassutsimut piumasaqaat 5 procentiuvoq. Tassa imaappoq 2011-p naanerani akiliisinnaassutsimut piumasaqaataasumiit akiliisinnaassuseq 25,2 mio. koruuninik appasinnerussasoq.



Akiitsut

Qeqqata Kommunanut 30.6. 2011-mi akiitsut katillugit 62,1 mio. Koruuniupput. Akiani sanaartorfigissaanermut Namminersorlutik Oqartussat akileeqaataassutissaat 2,3 mio. koruuninik annertussuseqarpoq. Akiliinissamat piffissaliunneqarnikuvoq 16.11.2010. Qeqqata Kommunanut akiitsut ukioq kingullermi piffissap taamaalineranut sanilliullugit 8,2 mio. koruuninik qaffariarnikuupput. Qaffariaat meeqqanut akilersuutinik, sanaartorfigissaanermi akileeqaataassutissanut aammalu Teknikkimut Avatangiisinullu immikkoortortamiit akiligassiisutunik assigiinngitsunik pissuteqarpoq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap aggustip 16-ani 2011-mi ataatsimiinnermini suliaq sularivaa.

Innersuussut

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavai,

Utoqqaat angerlarsimaffiini sulisunik amerlassusiliineq malillugu sulisut amerlassusaat piaarnerpaamik Ilaqutariinnermut ataatsimiititaliamit nalimmassarneqassasoq

Innarluutilinnut tunngasut pillugit nuutsinissamik suliassat piaarnerpaamik Ilaqutariinnermut ataatsimiititaliap nassutissagai

Immikkut aningaasaliissutissanut qinnuteqaatit Ilaqutariinnermut ataatsimiititaliap piaarnerpaamik nassutissagai

Siunissami Ilaqutariinnermut ataatsimiititaliap ataatsimiinnerit tamaasa tunngaviusumik missingersuutinik malitseqartitsisassaasoq, malitseqartitsinerillu taakku Aningaasaqarnermut ataatsimiititaliamut saqqummiunneqartassasut

Ulloq unnuarlu paaqqinnittarfiit sunniutaannik/pitsaassusaannik Ilaqutariinnermut ataatsimiititaliap nalilersuissasoq

Atuarfiit ineqarfiinut missingersuutinik Ilinniartitaanermut, Kulturimut Sunngiffimmullu ataatsimiititaliap piaartumik iluarsaassissasoq

Sanaartornernut aqutsinermik pitsaanerusumik Teknikkimut Avatangiisinullu ataatsimiititaliap piaartumik aallartitsissasoq

Aalajangiineq

Innersuussutigineqartut oqaaserineqartut ilanngullugit akuersissutigineqarput.

Ilanngussa

1. Qeqqata Kommunanut oqimaaqatigiisitsineq
2. Akiitsut allattorsimaffiat, siuliani Imm. assinga.



Imm. 08 Kangerlussuarmi inissialiornissamut kommunimit sanaartortitassat pingasut

Journalnr.

Tunuliaqutaq

Kalaallit Nunaanni Namminersorlutik Oqartussat Ineqarnermut, Attaveqarnermut Angallannernullu Naalakkersuisoqarfia Kangerlussuup naapertuuttunngorsarneqarnissaa pillugu 2011-mi apriilip sisamaani ataatsimiinnermi nalunaarpoq, Kangerlussuarmi inissialiassatut sanaartorneqarsinnaasunik pingasunik Qeqqata Kommunia pissarsisinnaasoq.

Maleruagassatigut tunngavissaq

Aningaasaqarnermut ataatsimiititaliamit innersuussuteqartoqareerneratigut kommunini Kommunalbestyrelsi aningaasaliissuteqarsinnaatitaavoq.

Kommunip illuliassanik sanaartortitassai 2011-mut Aningaasaqarnermut inatsit konto 89.72.12 "Inissialiornermik pilersaarutit Taartissanillu inissialiortiterneq"-mi takuneqarsinnaavoq. Tassani takuneqarsinnaalluni kommunit ilaatigut kommunini illuliornermik sanaartortitsineq aqqutigalugu innuttaasut inissaqartitsinniarnissaannut peqataalluarsinnaasut.

Pissutsit atuuttut

Kommunini illuliornermik sanaartortitsinissamik neqeroortigineqartut angissutsit assigiinngitsupput, type 3 75 m²-isut angissuseqartoq type 4-lu 105 m²-isut angissuseqartoq. Illuliassatut sanartugassat Namminersorlutik Oqartussanit tamakkiisumik akilerneqassapput, sanaartorneranilu akunnernut atorneqartunut tapiissuteqalaartarluni, sanaartorneqarnissaanullu tunngasut kommunimit akisussaaffigineqassallutik. Type-t taakku marluusut sanaartorneqarnerani akigitinneqartut nikingavallaanngillat.

Sanaartugassat angisuut 105 m²-isut annertussuseqartut pisariitsuupput, taamaalillutik Kangerlussuarmi inissaqarniarnermik pitsanngorsaanissamut atorneqarsinnaallutik.

Aningaasaqarnikkut allaffissornikkullu kingunerisinnaasai

Kommunimi illuliornermik sanaartortinneqarsinnaasut sanaartortinnissaanut aningaasartuutit Maniitsumi Teknikkimut Avatangiisinullu Immikkoortortap siusinnerusukkut naatsorsornikuai, ataaserlu 1,0 mio. koruunit 1,2 mio. koruunillu akornanni akeqassasoq nalilerlugu. Illuliornermik sanaartortinneqarsinnaasunik pingasunik sanaartorneq 3,3 mio. koruunit pallillugit Kommunimut naleqassaaq.

Allaffeqarfiup naliliinera

Allaffeqarfiup nalilerpaa, sanaartugassat annertuut pilersaarutaasut arlaqartut soorlu hangarinik nutarterineq, aallariartortarfiup/tikittarfiup illutaa nutaaq Kangerlussuarmilu kommunip Air Greenlandillu pigisaanik illuliornerneq naammassineqariarpata, Kangerlussuarmi sanaartornerup iluani kinguariatfiussasoq.

Allaffeqarfiup taamaattumik pingaartutut isigaa, Kangerlussuarmi kommunip sanaartortitsinissamik pilersaarutaanik aallartitsisoqarnissaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 16-ani 2011-mi ataatsimiinnermini suliaq suliarivaa.



Innersuussut

Kommunalbestyrelsimut akuereqqullugu innersuussutigineqassaaq,

Kangerlussuarmi kommunip pingasunik sanaartortitsinissaanut karsimiittuutiniit 3,3 mio. koruuninik aningaasaliisoqassasoq, 2011-mi 1,1 mio. koruuninik 2012-imilu 2,2 mio. koruuninik avinneqassallutik

Aalajangiineq

Innersuussutigineqartoq akuersissutigineqarpoq.

Ilanngussaq

1. 2011-mut Aningaasaqarnermut inatsit konto 89.72.12 "Inissialiornermik pilersaarutit Taartissanillu inissialortiterneq"
2. Kangerlussuup naapertuuttunngorsarneqarnissaa pillugu 2011-mi apriliip sisamaani ataatsimiinnermi imaqarniliaq.

**Imm. 09 Allaffissornermi pisortat akissarsiaannut atugassanik immikkut aningaasaliiffi-
gineqarnissamik qinnuteqaat**

Journalnr. 06.02.01

Tunuliaqutaq

Kommunit 18-iusut sisamaannangorlugit kattussuunnerinut atatillugu aqqissuussinermi arlalitsigut allangortiterisoqarpoq. Kommuninngortuni sisamaasuni sulisut arlaqartut akisussaaffii allannguivigineqarput, taamaalilluni atorfiinut tunngatillugu akissaatitigut inissiisoqartussaalluni.

Pisortaanertut atorfiup qaffasissusaa 2009-mi akissaateqarfik 39/40-mut inissinneqarpoq, immikkoortortanili pisortat tullersortaallu 2011-mi aatsaat akissaatitigut inissinneqarlutik. Qeqqata Kommuniani pisortat/pisortaanerit pingasuusut 2009-mi akissaatitigut inissiivigineqarput, immikkoortortanili pisortat pisortallu sulisuini pisortat 17-iusut qaffaaffigineqariinngikkunik qaffaaffigineqangajalerput.

Maleruagassatigut tunngavissaq

Kommunalbestyrelsi aningaasaliissuteqartussaataavoq, aningaasaqarnermulli ataatsimiititaliap sulisoqarnermut kommunimilu allaffissornermut tunngasut akisussaaffeqarfigalugit.

Kommunini atorfiit Naalackersuisut peqatigiiffiillu assigiinngitsut akornanni isumaqatigiissutaat naapertorlugit akissaatitigut inissinneqarput.

Pissutsit atuuttut

Kommunini tjenestamanditut atorfiit ilaanik akissaatitigut inissiineq Kalaallit Nunaanni Naalackersuisut Ilinniagartuullu kattuffiata 2011-mi februaarip 24-ni isumaqatigiissutigaat. Isumaqatigiissut kingumoortumik atuutilersinneqarpoq, taamaalilluni akissarsiat 2009-mi januaarip aallaqqaataani kommunit kattunneqarneraniit atuutilersinneqarlutik.

Kommunit sinnerisa immikkoortortani pisortatik akissaatitigut 1-imut qaffaaviginiarlugit inissinneqarnissaat kissaatigisimavaat. Qeqqata Kommunian siammasinnerusumik aqqissugaavoq, nunap isorartussusaa eqqarsaatigalugu annikinnerusumik akisussaaffeqarfeqarlutik, taamaattumik immikkoortortani pisortat akissaatitigut 2-mut inissikkusullugit. Akissaatitigut 1-imut 2-mullu inissiineq akissaateqarfik 38-mut qaffasissusiligaapput.

Akissaatitigut inissiinermi ataaniillutik pisortamut tullersortit immikkoortortanilu pisortat akissaatitigut 3-mut 4-mullu inissinneqarsimasut, taamalillutik akissaateqarfik 36-mut 35-mullu nalilerneqarlutik.

Matuma siuliini eqqaaneqartup isumaqatigiissutip malitsigisaanik akissarsiatigut iluarsivigineqareerpoq, akissarsiallu kingumoortumik 2011-mi maajimi juunimilu tunniunneqarlutik.

Naalackersuisut IMAK-illu akornanni suli isumaqatigiissuteqartoqanngilaq.

Aningaasaqarnikkut allaffissornikkullu kingunerisinnaasai

Kommunimi pisortat akissarsiaannik iluarsinerit 2009-mi januaarip aallaqqaataaniit kingumoortumik iluarsineqarput, taamaattumik Qeqqata Kommuniani allaffissornermi pisortatut atorfimmi akissaatitigut inissiivigineqarsimasut akissarsiassatik tigussavaat.

Atorfinnik qaffasissusiliinerup nassataraattaq, atorfiit akissaateqarfik 38 naapertorlugu akissarsiallit qaangiuttoornersiaqarsinnaanngimmata, atorfilli akissaateqarfiit 35 aamma 36 naapertorlugu akissarsialli ukiumut akunnerit 400-t ilanngullugit akissarsiaqalerlutik. Pisortat ataasiakkaat piffissami qaangiuttoornersiaqarnikuupput, ilaasali isumaqatigiissutitoqartik naapertorlugu qaangiuttoornitik katersorsimallugit. Tunniunneqalerpata taakku iluarsissutigineqassapput.

Kommunimi pisortatut atorfilinnut 2009-mi januaarip aallaqqaataaniit kingumoortumik maajimi juunimilu akissarsiat iluarsivigineqarmata 5.162.277 koruunit tunniunneqarput, taakku saniatigut aamma suli 240.000 koruunit miss. IMAK-imiittunut suli isumaqatigiissusiorfigineqanngitsunut tunniunneqarnissaat naatsorsuutigineqarluni. Taakku saniatigut aamma allaffissornermi pisortat akissarsiaat maannamut missingersuutaareersuniit ukiumut 2.953.000 koruuninik qaffasinnerussapput. Taamaalilluni 2011 eqqarsaatigalugu ilaatigut 2009-mi januaarip aallaqqaataaniit 2011-p ukiuata affaa siulleq tikillugu kingumoortumik tunniunneqartussat 5,4 mio. koruuniupput, 2011-llu ukiuata affaa kingullermi 1,5 mio. koruuninik amerlanerusunik aningaasartuuteqarfiunerussalluni imaluunniit katillugit 6,9 mio. koruuniussallutik.

Naalakkersuisut IMAK-illu akornanni suli isumaqatigiissuteqartoqanngikkaluartoq, matuma siuliini taaneqartutut annertussuseqartut kommunimi immikkoortorta qarfinni pisortanut tamanut atuutis-sangatinneqarput.

Allaffeqarfiup naliliinera

Allaffeqarfiup nalilerpaa, kommunini allani piumasaqaatit atorfinnilu assigiinngitsuni imaritinneqartut eqqarsaatigalugit, Qeqqata Kommuniani allaffissornermi pisortat akissaatitigut inissinneqarneri silatusaarnerusoq.

Ilutigitillugu allaffeqarfiup nalilerpaa, akissarsiat qaffasissusii eqqarsaatigalugit, kommunini allaffissornermi pisortatut atorfinnut qinnuteqartartut siunissami ornigisarnerutissagaat, soorlu aamma qaangiuttoortarnermut aalajangersakkat aqutsinermut pisariillisaataasut.

Akissarsialli annertusineri aamma kommunip aningaasaqarneranut ilungersunartumik kinguneqar-titsivoq, tassungalu atatillugu kommunimi allaffissornikkut naleqqussaasoqarnissaa pisariaqarneru-lissaaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 16-ani 2011-mi ataatsimiinnermini suliaq suliarivaa.



Innersuussut

Kommunalbestyrelsimut akuereqqullugu innersuussutigineqassaaq,

akissaatitigut inissinneqarnermi isumaqatigiissut tusaatissatut tiguneqassasoq

allaffissornermi pisortanut akissarsianut 2011-mi missingersuutinut 6.900.000 koruuninik immikkut aningaasaliissuteqartoqassasoq

allaffissornermi pisortanut akissarsianut immikkut aningaasaliissutit 2.953.000 koruuniusut 2012-imut missingersuutinut 2013-imiillu 2015-imut ukiunut missiliuuteqarfiusunut ilanngunneqassasut.

Aalajangiineq

Innersuussutigineqartut akuersissutigineqarput.

Ilanngussaq

1. Kommunini tjenestemanditut atorfiit ilaanik qaffasissusiliinermi isumaqatigiissut
2. Qeqqata Kommuniani ”immikkoortortani pisortat qaffaavigineqareernermi akissarsiatigut qaffariaataannut” takussutissaq

Imm. 10 Utoqqarnut tunngasut naapertuuttunngorsarneqarnissaat

Journalnr. 44.05

Tunuliaqutaq

Kommunalbestyrelsip 2009-mi missingersuutit pillugit isumasioqatigiinnermini, utoqqarnut tunngasut naapertuuttunngorsarneqarnissaat eqqartorpaa. Illoqarfinni utoqqaat angerlarsimaffii, kommunimilu najugaqarfinni tamani utoqqarnut inissiat aaqqissuussiffiqeqarnissaat Kommunalbestyrelsip pissusissamisoortutut isigaa.

Tamatuma saniatigut takussutissiat takutippaat, Maniitsumi utoqqaat angerlarsimaffiani inissaatinik ulikkaarlutik utoqqarnut inissiat amerlavallaanngitsut; Sisimiuni killorluinnaavoq. Malitsigisaanik Kommunalbestyrelsip aalajangerpaa, Maniitsumi utoqqarnut inissianik sanaartornissaq sulissutigineqassasoq, Sisimiunilu utoqqaat angerlarsimaffiat allilerneqassasoq. Suliat taakku maannakkut ingerlanneqarput.

Taamaakkaluartoq aaqqissuussinikkut allanngortiterineq suli naammassineqanngilaq, malitsigisaanillu Maniitsumi eqqaanilu utoqqarnut tunngasut ingerlatsinikkut sipaarniarfigineqartussaagaluit suli sipaaruteqarfiugatik. Tamatuma saniatigut 2011-mi februaarip qaammataani sipaaruteqaqqusinnermi, Maniitsumut tunngatillugu ilaqutariinnermut ataatsimiititaliaq 5 procentimik sipaaruteqanngitsoorpoq.

Taamaattumik Kommunalbestyrelsi 2011-mi februaarip ataatsimiinnermini imm. 16-p eqqartorneqarnerani aalajangerpoq, ” kingusinnerpaamilli junimi aningaasaqarnermut ataatsimiititaliamut allaffeqarfik Maniitsumi Kangaamiunilu utoqqaat illuini tunngavilimmik sipaarutissanik saqqumiussaqassasoq”. Taamaattumik aalajangiineq taanna tunuliaqutaralugu, suliaq aningaasaqarnermut ataatsimiititaliamut saqqummiunneqannginnerani, suliaq Ilaqutariinnermut ataatsimiititaliamut tusarniutigineqarpoq.

Maleruagassatigut tunngavissat

Aqquksinnermi inatsimmi § 43 imm. 2-mi akuersissuteqartussaavoq kommunalbestyrelse, kisiannili tamanna pitinnagu aningaasaqarnermut ataatsimiititaliap oqaaseqaataa pissarsiarineqaqqaassaaq, aqquksinnermi inatsimmi 25 imm. 1- mi siulleq malillugu

Pissutsit atuuttut

Qeqqata Kommuniani Utoqqaat Angerlarsimaffiini inissat 85-iullutik Sisimiuni 31-upput, Maniitsumi 44-pput, Kangaamiunilu quliullutik. Nunaqarfiit sinnerini utoqqarnut angerlarsimaffeqanngilaq. Sisimiuni Maniitsumilu utoqqaat angerlarsimaffiini inissat tamarmik immikkut perusuersartarfeqarlutillu uffarfeqarput. Kangaamiuni perusuersartarfik uffarfillu ataatsimooruppaat.

Qeqqata Kommuniani utoqqarnut inissiat 67-iullutik Sisimiuni 42-pput, Maniitsumi qulit, Itillimi tallimat, Sarfanguani marluk kiisalu Atammimmi Napaumilu immikkut sisamat. Kangerlussuarmi Kangaamiunilu utoqqarnut inissiaqanngilaq. Sisimiuni utoqqarnut inissiat aqqaneq-marluk sanaartorneqarput, Maniitsumilu 16-it sanaartorneqarlutik. Utoqqarnut inissiassat tamarmik immikkut perusuersartarfeqarlutillu uffarfeqassapput.



Kangaamiuni utoqqarnut angerlarsimaffimmut missingersuutit 2.869.000 koruuniupput, taakkunangalu 2,5 mio. koruunit akissarsiassanut atugassaallutik. Utoqqaat angerlarsimaffiani aqqaneq-marluk sulisussarititaapput, taakkunangalu massakut sundhedshjælperi ataaseq, socialhjælperit marluk atorfeqarput, atorfillillu sinneri ilinniarsimasuugatik.

Kangaamiuni Utoqqaat Angerlarsimaffiani init arfineq-pingasuupput, najugaqartullu perusersartarfik uffarfillu ataatsimoorullugit. Teknikkimut Avatangiisinullu Immikkoortortap isumasioqatige-reerneratigut init arfineq-pingasut, immikkut perusersartarfilerlugillu uffarfittalerlugit ininut marluuttarissanut tallimangortinneqarsinnaapput. Taamatut allangortiterisoqassagalarpat, 700.000 koruuninik akeqassaaq.

Maniitsumi Utoqqarnut Angerlarsimaffimmut missingersuutit 17.203.000 koruuniupput, taakkunangalu 15,8 mio. koruunit akissarsianut atugassiaallutik. Utoqqaat angerlarsimaffiani 57-it sulisussarititaapput, taakkunangalu pisortaq sygeplejerskitut ilinniarsimasoq, immikkoortortami sygeplejerski kiisalu sundhedshjælperit/-assistentit, socialhjælperit tagiartuisorlu sulisussarititaallutik.

Maniitsumi Utoqqarnut Angerlarsimaffik ataasiittarissanik uffarfittalinnik 44-nik initaqarpoq, taakkunangalu init marluk inissiigallarfiullutik. Utoqqarnut Angerlarsimaffik arfinilinnik initalinnik arlalinnik najugaqatigiiffeqarpoq. Sammisassaqtitsiveqarpoq, taannalu ilaatigut innuttaasunit illoqarfimmi namminerisamik ineqartunit innersuunneqarsimasunit/ akuerineqarsimasunit ator-neqartarluni. Sammisassaqtitsinissamik neqeroorut, illoqarfimmi innarluutilinnut najugaqatigiiffinni najugaqartunit ilaatigut aamma ator-neqartarpoq. Utoqqaat Angerlarsimaffiani immikkoortoq ataaseq ajornaquteqanngitsumik innarluutilinnut immikkoortortangortinneqarsinnaavoq.

Maniitsumi Kangaamiunilu Utoqqaat Angerlarsimaffiini sipaaruteqarnissamut siunnersuummut atatillugu siunnersuutigineqassaaq, taguut Utoqqaat Angerlarsimaffiat atorunnaarlugu taaguutit Utoqqarnik paaqqutarinniffik aamma Utoqqarnut inissiat ator-neqalissasut. Utoqqaat utoqqaliner-minni angerlarsimaffimiluunniit ulluinnarni isumagisassaminnik isumaginnissinnaajunnaarnerat tunualiaqutaralugu Utoqqarnut Angerlarsimaffimmut nuuttarmata, qanga taama taaguuserneqarput. Maannakkut utoqqarnut piginnaanerusunut angerlarsimaffimmi ikiorteqartittarlugit angerlarsimaf-feqalernikuvoq, utoqqaallu paaqqutarineqartariaqarlutik namminerisaminnik ineqarsinnaanngitsut ulloq unnuarlu paaqqutarineqarsinnaaffimminnut nuutsinneqartarlutik. Tamanna pitsaasumik siuariarneruvoq, utoqqaallu nammineersinnaanerusut ulluinnarni inuunerminnik namminneq aqutsi-nerusinnaanerminnut periarfissaqarnerullutik.

Aningaasaqarnikkut allaffissornikkullu kingunerisinnaasai

Kangaamiuni Utoqqaat Angerlarsimaffiat matoriarlugu utoqqarnut inissianik tallimanik sanaartorto-qassagalarpat, nunaqarfimmi angerlarsimaffimmi ikiortit amerlanerusut atorfissaqartinneqalissapput. Kangaamiuni angerlarsimaffimmi ikiortut marluk-pingasuupput. Assersuussissagaanni Atammimmi angerlarsimaffimmi ikiortut tallimaapput. Taamaattumik nalilerneqarpoq, Kangaamiuni utoqqarnut inissialiortoqassagalarpat, angerlarsimaffimmi ikiortit suli pingasut atorfissaqartinneqassasut.

Utoqqaat Angerlarsimaffiata utoqqarnut inissiannangortinneqarnerat missingersuutitigut 2,3 mio. koruunit missaannik sunnuteqassaaq, taamattoqassappalli utoqqaat marluk sanngiinnerusut Maniit-sumik Utoqqaat Angerlarsimaffianut nuutsinneqartariaqassapput.



Ineqarneq aningaasaqarnerlu eqqarsaatigalugu utoqqaat atugarissaarnerulissapput. Ilaatigut utoqqarnut inissiat namminerisamik perusuersartarfeqarlutillu uffarfeqartut pilersinneqassapput, soorluttaaq utoqqarnut inissiat saniatigut Kangaamiuni inissiat sisamat sanaartorneqasassoq, takuuk Kommunalbestyrelsip 2011-mi marsimi aalajangiinera. Ilaatigut utoqqaat pensionisiaqalersinnaatitaallutillu ineqarnerminnut tapiiffiqineqarsinnaalissapput.

Maniitsumi Utoqqaat Angerlarsimaffiani immikkoortortap ataatsip arfinilinnik inissaqartup atorunnaarsinneqarnissaanut atatillugu 2,1 mio. koruunit sipaarutiqineqassasut nalileneqarpoq. Utoqqarnut immikkoortortap innarluutilinnut immikkoortortanngortinneqarneratigut, ininut arfinilinnut 330.000 koruuninik akiuliuteqarnikkut 1.980.000 koruunit sipaarutiqineqassapput. Immikkoortortap innarluutilinnut immikkoortortanngortinneqarneratigut, maannakkut utoqqaat utoqqaallu innarluutillit ataatsimoortaraluartut, utoqqarnut innarluutilinnullu immikkoortortat immikkoortinneqalissapput. Tamanna illuatungeriinnut tamanut pitsaasussatut isigineqarpoq, ilami tamatigut "utoqqaat peqqissut" innarluutillit akornanniinnissaminut akunnattuungasarmata, soorluttaaq innarluutillit utertut akornanniinnissaminut aamma akunnattuungasartut.

Qullersaqarfiup oqaaseqaataat

Qullersaqarfik isumaqarpoq, Kommunalbestyrelsi naapertuuttunngorsaassaguni, ingerlatsinikkut sipaaruteqassaguni, sanaartornerlu ingerlalluartinniassaguniuk, siunnersuutiqineqartutut utoqqarnut tunngasut allanngortinneqassasut.

Allaffeqarfiup naliliinera

Allaffeqarfik isumaqarpoq, nunaqarfinni Utoqqaat Angerlarsimaffinni ilinniarsimasunik atorfinitsisinissaq ajornakusuussaasoq. Peqqinnissaqarfiup nunaqarfinni atorfeqartitsiniarnera aamma illoqarfinnisulli inngilaq.

Taamaattumik aallaffeqarfik isumaqarpoq, nunaqarfinni Utoqqaat Angerlarsimaffeqarnissaq atorfeqartitat eqqarsaatigalugit pissusissamisuumngitsoq (illersorneqarsinnaanngitsoq). Utoqqaat Angerlarsimaffii utoqqarnut angerlarsimaffiminni nammineersinnaanngitsunut angerlarsimaffiupput.

Kangaamiuni Utoqqaat Angerlarsimaffiata utoqqarnut inissianngortinneqarneratigut, meeqqanut suli atualinngitsunut neqeroorutit aamma pitsanngoriarnissaattut isigineqartariaqarpoq. Utoqqaat Angerlarsimaffiani atorfillit sapinngisamik paaqqutarinniffimmi Naja-mi sulilernissaannik neqeroorfigineqassapput. Meeqqueriviit naapertuuttunngorsarneqarneri, nunaqarfimmilu aqutsisut missingersuutitigut kissaataat naapertorlugit paaqqutarinniffimmi atugassarititaasut, atorfillit atuisullu amerlisinnaanngorlugit alliliinikkut nutaamilluunniit sanaartornikkut pitsanngorsaavigineqartariaqarput.

Nunaqarfinni Utoqqarnut angerlarsimaffeqassappat, utoqqaallu angerlarsimaffiminni nammineersinnaanngitsut najugaqartuutiqineqassappata, utoqqaat amerliartuinnartillugit aningaasartuutissat annertunerulissapput. Utoqqaat Angerlarsimaffiani inissat, utoqqarnut angerlarsimaffiminni nammineersinnaanngitsunut iniusariaqarput.

Taamatuttaaq allaffeqarfiup nalilerpaa, utoqqaat kommunimi illoqarfinni nunaqarfimmilu najugaqarfiginngisaminni utoqqarnik paaqqutarinniffimmut nuunnissaminnik neqeroorfigineqarsinnaasariaqartut. Napparsimallutik paaqqutarineqartariaqarlutik Peqqissaavimmi uninngasut, kommunimi utoqqarnik paaqqutarinniffimmi inissaatilmmut nuunnissaannik aamma neqeroorfigineqartassapput, tassuunakkut Peqqissaavimmi taamak akisutigisumik uninngasoqartarnissaa pinngitsoortinneqarniassammat.



Allaffeqarfiup innersuussutaa

Ilaqtariinnermut ataatsimiititaliamit, kingornalu aningaasaqarnermut ataatsimiititaliamit Kommunalbestyrelsimiillu akuersissutigineqartussanngorlugu tusarniutigalugu allaffeqarfiup innersuussutigaa, Utoqqarnut angerlarsimaffiit taama taaguuteqarunnaarlutik utoqqarnik paaqqutarinniffimmik taaguuteqalissasut

Utoqqarnut tunngasut siunissami illoqarfinni utoqqarnik paaqqutarinniffeqassasoq kiisalu illoqarfinni nunaqarfinnilu utoqqarnut inissiaqassasoq

Utoqqaat illoqarfimmi sumiluunniit najugaqaralarunik, kommuni utoqqarnik paaqqutarinniffimmut nuunnissaminnik neqeroorfigineqarsinnaassasut

Kangaamiuni utoqqaat angerlarsimaffiat utoqqarnut inissianut allanngortinneqassasoq

Sanaartornermi aningaasaliissutitigut 700.000 koruunit pisariaqartinneqartut 2012-imut missingersuutinut, ukiunullu missiliuuteqarfiusunut ilanngunneqassasut.

Ingerlatsinikkut 2.300.000 mio. koruunit sipaarutaasussat, ukiunut 2013-imiit 2015-imut missiliuuteqarfiusunut ilanngunneqassasut.

Maniitsumi utoqqaat angerlarsimaffiani utoqqarnut immikkoortortaq ataaseq, innarluutilinnut immikkoortortanngortinneqassasoq

1.980.000 koruunit sipaarutaasussat, 2012-imut missingersuutinut, ukiunullu missiliuuteqarfiusunut ilanngunneqassasut

Ilaqtariinnermut ataatsimiititaliami suliap suliarinera

Ilaqtariinnermut ataatsimiititaliap aggstip 9-ani 2011-mi ataatsimiinnermini suliaq suliarivaa.

Innersuussut akuersissutigineqarpoq, Oqaatigineqartut makku ilanngullugit:

Sulisunik asoortitsinissaq pissanngitsoq, suliffinnik allanik neqeroorfigineqassasut

Suliaq Utoqqaat Siunnersuisoqatigiivinut tusarniutigineqassasoq.

Allaffeqarfiup innersuussutaa

Allaffeqarfiup aningaasaqarnermut ataatsimiititaliamut kommunalbestyrelsimullu akuersissutigeqqullugit innersuussutigissavai,

Utoqqarnut angerlarsimaffiit taama taaguuteqarunnaarlutik utoqqarnik paaqqutarinniffimmik taaguuteqalissasut

Utoqqarnut tunngasut siunissami illoqarfinni utoqqarnik paaqqutarinniffeqassasoq kiisalu illoqarfinni nunaqarfinnilu utoqqarnut inissiaqassasoq

Utoqqaat illoqarfimmi sumiluunniit najugaqaralarunik, kommuni utoqqarnik paaqqutarinniffimmut nuunnissaminnik neqeroorfigineqarsinnaassasut

Kangaamiuni utoqqaat angerlarsimaffiat utoqqarnut inissianut allanngortinneqassasoq

Sanaartornermi aningaasaliissutitigut 700.000 koruunit pisariaqartinneqartut 2012-imut missingersuutinut, ukiunullu missiliuuteqarfiusunut ilanngunneqassasut.

Ingerlatsinikkut 2.300.000 mio. koruunit sipaarutaasussat, ukiunut 2013-imiit 2015-imut missiliuuteqarfiusunut ilanngunneqassasut.

Maniitsumi utoqqaat angerlarsimaffiani utoqqarnut immikkoortortaq ataaseq, innarluutilinnut immikkoortortanngortinneqassasoq



1.980.000 koruunit sipaarutaasussat, 2012-imut missingersuutinut, ukiunullu missiliuteqarfiusunut ilanngunneqassasut

Aningaasaqarnermut ataatsimiitaliami suliap suliarinera

Aningaasaqarnermut ataatsimiitaliap aggstip 16-ani 2011-mi ataatsimiinnermini suliaq suliarivaa. Taaguutaanut tunngasoq misissuiffigeqqissaarneqassaaq (utoqqarnik paaqutarinniffik). Innersuussutigineqartut akuersissutigineqarput.

Innersuussut

Kommunalbestyrelsimut akuersissutigeqqullugit innersuussutigineqarput,

Utoqqarnut tunngasut siunissami illoqarfinni utoqqarnik paaqutarinniffeqassasoq kiisalu illoqarfinni nunaqarfinnilu utoqqarnut inissiaqassasoq

Utoqqaat illoqarfimmi sumiluunniit najugaqaralarunik, kommuni utoqqarnik paaqutarinniffimmut nuunnissaminnik neqeroorfigineqarsinnaassasut

Kangaamiuni utoqqaat angerlarsimaffiat utoqqarnut inissianut allangortinneqassasoq

Sanaartornermi aningaasaliissutitigit 700.000 koruunit pisariaqartinneqartut 2012-imut missingersuutinut, ukiunullu missiliuteqarfiusunut ilanngunneqassasut.

Ingerlatsinikkut 2.300.000 mio. koruunit sipaarutaasussat, ukiunut 2013-imiit 2015-imut missiliuteqarfiusunut ilanngunneqassasut.

Maniitsumi utoqqaat angerlarsimaffiani utoqqarnut immikkoortortaq ataaseq, innarluutilinnut immikkoortortangortinneqassasoq

1.980.000 koruunit sipaarutaasussat, 2012-imut missingersuutinut, ukiunullu missiliuteqarfiusunut ilanngunneqassasut

Aalajangiineq

Efraim Olsen erseqqissaatigivaa Kangaamiuni utoqqaat angerlarsimaffiat utoqqarnut inissianut allangortinneqarnissaanut isumaqataaanginnami.

Innersuussutigineqartut tunngaviatigit isumaqatigineqarput, aningaasaqarnikkut kingunerisassai Aningaasaqarnermut ataatsimiitaliami suliarineqassapput aappaagumullu missinngersuusiornermut ilanngunneqarlutik kommunalbestyrelsip oktobarimi aalajangernissaanut ilaassallutik.

Kangaamiuni nunaqarfimmi aqutsisut, utoqqaat siunnersuisoqatigiivi susassaqtullu allat suliap suliarinerani tusarniarneqassapput.

Qallunaatut plejehjem-itut taaguuteqalernerani kalaallisut taaguuteqassapput:

Utoqqaat Angerlarsimaffiat.

Qallunaatut ældreboliger-inik taagorneqartut kalaallisut taagorneqassapput: utoqqarnut inissiat.

Borgmesteri erseqqissaavoq pinngitsaaliilluni Kangaamiuniit nuussisoqassanngitsoq.

Innersuussutigineqartut akuersissutigineqarput.



Ilanngussaq
Ilanngussaqaanngilaq



Imm. 11 Tapiissutit annertusinissaannik Taseraliup qinnuteqaataa 2011-imut, ukiunullu missiliuuteqarfiusunut

Journalnr. 50.03 / Taseralik

Tunuliaqutaq

Sisimiuni Taseraliup siulersuisuisa tunngaviusumik aningaasaateqarfiup aningaasaataasa 2011-ip sinneranut 800.000,- koruuninik, ukiunilu tulliuttunut sisamanut ingerlatsinikkut tapiissutit minnerpaamik 800.000,- koruuninik qaffatsinneqarnissaat juulip arfineq pingajuanni 2011-mi allakkatigut qinnuteqaatigivaat.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat

Pissutsit atuuttut

Kulturikkut illorsuup Taseraliup siulersuisui Qeqqata Kommunianut qinnuteqarpoq ingerlatsiner-mut aningaasaassaliissutit qaffanneqarnissaannik minnerpaamik 800.000,- koruuninik, ukioq 2011-imut aammalu ukiunut tulliuttunut, ukiullu sisamat qaangiuppata isumaqatigiissutigeqqinniartus-sanik. Missingersuutit 2011-imut tunngasunut inernissaat takutereerpaa amigartooruteqassasoq soorlu 2010-imi taamatorluinnaq pisimasoq. Naak neriorsuisoqarsimangitsoq tapiissutit qaffanneqarnissaannut 2011-imut.

2010-imi Taseralimmut tapiissutit 800.000,- koruuninik qaffanneqarput, Qeqqata Kommunianit aningaasaateqarfiup qaffaaneratigut. Kultur-ikkut illorsuup Taseraliup ingerlanneqarneranut 2009-mi amigartooruteqarpoq kr. 1 mio. koruuninik. Ukiorlu 2010-mi amigartooruteqarluni kr. 700.000,- Soorlu takuneqarsinnaasoq missingersuutini 2011-imi, maanna takuneqarsinnaalereerpoq Taseralik ukioq manna amigartooruteqassasoq 748.000,- koruuninik.

Kukkunersuisut nalunaarusiaanni allassimavoq, ukiumut nalunaarusiaq ingerlatsiinnarnissaq siunertaralugu suliaalluni. Aningaasaateqarfiup ingerlaannarnissaanut pisariaqarpoq, aningaasaateqarfik immerneqartariaqartoq minnerpaamik 1,5 mio. koruunimik. Tunngaviusumik aningaasaatit at-tatiinnarneqassappata. Pisariaqartinneqarporlu ingerlatsinermi aningaasat tapiissutaasartut qaffanneqarnissaaq annertuumik / imaluunniit annertuumik aningaasartuutaasunik sipaaruteqarnissaq. Ilassutitullu allassimasoqarpoq:

Aningaasaateqarfiup annaasimavai aningaasat tunngaviusumik uninngasuutissat affaat tikillugit aammalu attuumassuteqarluni akiliisinnaajunnaarnermi § 10-mi atorunnaarsinneqarsinnaanermik suliffeqarfiit aningaasatigut ingerlatsiviusutut.

2010-mi aammalu 2011-mi, pisortat aammalu siulersuisut sipaarniutissanik suliaqarsimapput:

- 1: Sulisoqarnikkut aqutsinerup allangortinneqarnera.
- 2: Sulisunik ikilisaasoqarsimavoq.
- 3: Eqaatsumik aammalu oqinnerusumik isumasioqatigiisitsinermi ingerlatsisoqalersimalluni.
- 4: Eqaatsumik aqqissuinerit peqatigiiffinnut. Soorlu inersuup attartornera aammalu kultur-ikkut aqqissuineri, Taseraliullu sutorniartarfia ingerlallualernissaa siunniunneqarsimalluni.
- 5: Ussassarinermi aningaasartuutaasartut annikillisarneqarput suleqataasinnaasunullu ujartuineq ingerlanneqalerluni.
- 6: Sutorniartarfiup ingerlanneqarnera allangortillugu, aningaasartuutit ingerlatsinermut nalimmar-sarlugit.



**Kommunalbestyrelsip aggstip 26-ani 2011-mi ileqquusumik ataatsimiinnera 04/2011
imaqarniliornera**

7: Eqqiaatitsinermi aningaasartuutit ikilisarneratigut.

Taseraliup siulersuisuisa Ilinniartitaanermi, kultur-imi sunngiffimmilu ataatsimiisitaliaq aammalu kommuunip qullersai ataatsimeeqatigisimavaat 30. maj 2011-imi. Isumaqtigiissutigineqarporlu siulersuisut Qeqqata Kommunianut ingerlatsinermi aningaasartuutit qaffanneqarnissaannut 2011-imut qinnuteqassasoq ukiunullu tulliuuttunut aningaasartuutigiffiusussanut.

Aningaasaqarnikkut allaffissornikkullu kingunerisinnaasai

Immikkut aningaasaliiffiginissamik qinnuteqartoqarpoq katillugit 800.000,- koruuninik, qinnuteqaammut ilanngussat ilanngullugit nalimmassaaniarnermi Kultur-ikkut illorsuup aallarniutittut / tunngaviumik aningaasaatissatut, ukiup sinneranut 2011-imut aammalu ukiunut tulliuuttunut 2012, 2013 aammalu 2014-imut.

Konto	Oqaasertaa	Akuersissutit 2011	Atuinissamik naatsorsuutit	Aningaasat pisariaqartitat
59-04-10-35-00	Taseralimmut tapiissutit	3.412.000	4.212.000	+800.000

Ukiunut tulliuuttunut missingersuutit 2012, 2013 aammalu 2014-imut.

Konto	Oqaasertaa	Aningaasaliissutit 2012	Aningaasaliissutit 2013	Aningaasaliissutit 2014
59-04-10-35-00	Taseralimmut tapiissutit	4.212.000	4.212.000	4.212.000

Qullersaqarfiup oqaaseqaatai

Qullersaqarfik isumaqarpoq, Sisimiuni kultuqarnermut tunngasunut aningaasaliissutit naammattut naleqqutinnngitsumilli agguataarneqarsimasut. Immikkut aningaasaliissutit ukiunut missiliuteqarfiusunut ilanngunneqassappata, aningaasat annertoqataanik kulturikkut tunngasutigut neqeroorutini sipaarniuteqartoqartariaqarpoq.

Tassunga atatillugu, ukiut kingulliit pingasut iluanni kulturikkut illorsuartaarsimaneq ilaqutariinnullu kiffartuussivittaarsimaneq ilanngunneqartariaqarput, pioreersunik nutaanillu suliffeqarfiliornermi suliassanik agguataarisarnermi nalilersorneqarnikuunnginnamilluunniit. Tamanna piaartumik pisariaqarluni.

Allaffeqarfiup naliliinera

Ilinniartitaanermi immikkoortortap nalilierpaa immikkut aningaasaliiffigeqqulluni qinnuteqaat kr. 800.000,-, kultur-ikkut illorsuup 2011-p sinneranut aallarniutittut / tunngaviumik aningaasaatissatut taperneqassasoq ukiunullu tulliuuttunut aggersunut.

Allaffeqarfiup innersuussutaa

Allffeqarfiup ilinniartitaanermut, kulturimut sunngiffimmullu ataatsimiititaliamut aningaasaqarnermut ataatsimiititaliamut kiisalu kommunalbestyrelsimut inaarutaasumik akuerissutigineqarnissaanut innersuussutigaa,

Taseralimmut 2011-mut 800.000 koruunit immikkut aningaasaliissutigineqassasut

Taseralik iluaquserniarlugu ukiut missiliuteqarfiusussat pillugit qanoq nuutsisoqassanersoq ilinniartitaanermut, kulturimut sunngiffimmullu ataatsimiititaliaq tullissaani ataatsimiinnermini siunnersuuteqassasoq.



Ilinniartitaanermut Kulturimut Sunngiffimmullu ataatsimiititaliami suliap suliarinera
Ilinniartitaanermut Kulturimut Sunngiffimmullu ataatsimiititaliap aggstip 8-ni 2011-mi ataatsi-
miinnermini suliaq suliarivaa.
Innersuussut akuerineqarpoq.

Taseraliup akigititai atuisunullu pissarititaasut misissorneqassapput.

Budget seminarimut ilanngunneqassaaq, Konto 5-ip iluani nassaarniarthoqassasoq piumasarineqarluni.
Aningaasaliineq 2012-mut ukiunullu tulliuuttunut tapiissutinik qaffaanissaq eqqarsaatigalugu.

Imm. Aningaasaqarnermik ataatsimiititaliamut ingerlateqqinneqassaaq.

Aningaasaqarnermut ataatsimiititaliami suliap suliarinera
Aningaasaqarnermut ataatsimiititaliap aggstip 16-ani 2011-mi ataatsimiinnermini suliaq suliarivaa.

Innersuussut

Kommunalbestyrelsimut inaarutaasumik akuersissutigeqqullugit innersuussutigineqarput,

Taseralimmut 2011-mut 800.000 koruunit immikkut aningaasaliissutigineqassasut

Taseralik iluaquserniarlugu ukiut missiliuteqarfiusussat pillugit qanoq nuutsisoqassanersoq
ilinniartitaanermut, kulturimut sunngiffimmullu ataatsimiititaliaq tullissaani ataatsimiinnermini
siunnersuuteqassasoq.

Taseraliup akigititai atuisunullu pissarititaasut misissorneqassasut.

Budget seminarimut ilanngunneqassasoq, Konto 5-ip iluani nassaarniarthoqassasoq piumasarineqar-
luni. Aningaasaliineq 2012-mut ukiunullu tulliuuttunut tapiissutinik qaffaanissaq eqqarsaatigalugu.

Aalajangiineq

Akuersisut 14

(Søren Alaufesen, Godmand Rasmussen, Bitten Heilmann, Ane Marie Schmidt Hansen,
Anda Berthelsen, Katrine Larsen Lennert, Beathe Poulsen, Olga B. Ljungdahl, Hermann Berthelsen,
Karl Lyberth, Evelyn Frederiksen, Alfred Olsen, Efraim Olsen, Hans Frederik Olsen,
Morten Siegstad)

Taaseqataangitsoq 1 (Karl Lyberth)

Innersuussutigineqartut akuersissutigineqarput.

Ilanngussaq

3. Taseraliup qinnuteqaataa ingerlatsinermi aningaasartuutit qaffannissaanut 2011-mut, ullulerner-
qarsimasoq 8. juli 2011.
4. Ukiumut nalunaarussiaq 2010, aningaasaateqarfik Taseralik, Sisimiut, Reg.nr. ERF 440.132



Imm. 12 Paasissutissiisarnikkut attaveqarnikkullu teknologimi (PAT) nuna tamakkerlugu periusissat

Journalnr. 10.25.06

Tunuliaqutaq

Naalakkersuisut nuna tamakkerlugu Paasissutissiinikkut Attaveqarnikkullu Teknologimi (PAT) periusissat pillugit tusarniut nassiuppaat.

Tusarniaanermut pisortatigoortumik akissuteqarfissaq septembarip 5-ianut 2011-mut killiligaavoq, kommunilli tusarniummut akissutiginiagaasa aggstip 29-ni 2011-mi tigusissaat Kanukoka-p kis-saatigivaa, taamaalilluni ataatsimoortumik akissuteqaatissaq nassiunneqarumaarmat.

Maleruagassatigut tunngavissaq

Periusissatigut tassalu PAT periusissanik akuersinissaq, aalajangersimasunik toqqammavissaqanngilaq, PAT-ili toqqammavigalugu assigiinngitsutigut periusinngorsinnaasut atortussanngussagalu-arpata, tamatuma kingunerisinnaallugu inatsisinik allannguinissaq.

Qeqqata Kommuniani PAT-imut tunngasutigut aningaasaqarnermut ataatsimiititaliaq kommunip allaffissornerani akisussaasuvoq, PAT-imilli atuinissakkut ataatsimiititaliat tamarmik eqqugaasus-saallutik, taamaattumillu kommunalbestyrelsi tamatumani tusarniagassaalluni.

Pissutsit atuuttut

PAT-imi periusissatigut ”Paasissutissiinermut Attaveqarnermullu Teknoligi (PAT) nunamik ataq-tigiissitseqataavoq, inuiaqatigiinnillu nunarsuarnut sammisunut tamanut siuariartornissamut atuga-rissaarnissamullu pilersitsisunut tunngavissiilluni” siunertaavoq.

PAT-imi periusissatigut tallimatigut pingaartillugit suliniuteqarfissat:

1. Internet nalunaarasuartaateqarnermullu tunngasut
2. Pisortat kiffartuussinerat allaffissornerlu
3. Ilinniartitaaneq piginnaasallu
4. Peqqissuseq
5. Nutarterineq inuutissarsiuteqarnerlu

Pingaarnertut isigaluni suliniuteqarfissani tallimaasuni immikkoortutigit pitsaasunik innersuussu-terpaaloqarpoq. Innersuussutaasut tamaasa isigalugit tapersersugassaqqissuupput.

Ataatsimulli tunngatillugu ajornakusoortorujussuussalluni, taassumalu kingunerisinnaassallugu PAT-imik periusissat tamarmik atorsinnaajunnaarnissaat, tassalu immap naqqatigut kabilillit illoqarfiit marluusut pingaarnerutinniarneqarnerat. Taamaalilluni PAT-imik periusissami qupperneq 11-mi innersuussutaalluni, ”Naalakkersuisut aalajangiissasut, sumiiffinni attaveqarfitsigut naam-massi-sinnaasanik atorneqanngitsunik peqartuni isersinnaanermut sukkanerusumillu periarfissii-nikkut malunnaateqarnerusumik neqerooruteqartoqassasoq, soorlu assersuutigalugu illoqarfinni immap naqqatigut kabelinik attaveqartuni taamaattoqartoq”.

Piffissarli alimasinnerusooq isigalugu Qeqqata Kommuniani illoqarfiit marluusut immap naqqatigut kabilimut attaveqalernissaat neriunaateqarpoq. Kapitali 2-mi illoqarfiit taakku marluk pillugit ”In-ternet nalunaarasuartaateqarnermilu” Sisimiut kisimik iliuseqarfissatut eqqaaneqarput, taamaattorli ersarissumik oqaasertaqarani imatut allaqqasoqarami ”Sisimiunut Ilulissanullu søkabelimik uigun-niinerup akissaanik annertussusissaanillu naliliineq” (qupperneq 46).



Taamaattorli Kapitali 2-p ataani "Nutarterineq inuutissarsiuteqarnerlu" oqaatigineqarluni aamma Maniitsup attavilerneqarsinnaanera periarfissaqassasoq, imatut allaqqasoqarami: "Alloriarnerup tullerissagaluarpaq immap naqqatigut kabelimik atuisinnaaneq Kalaallit Nunaanni illoqarfiit annerit tulliunut attaviliinissamut suliniuteqarneq, tassalu Sisimiuni aamma Ilulissani (immaqalu Maniitsoq). (qupperneq 116).

Aningaasaqarnikkut allaffissornikkullu kingunerisinnaasai

Tamanna Qeqqata Kommuniani kommunimut, ilinniaagaqarfinnut innuttaasunut suliffeqarfinnullu annertuutigit pitsaanngitsumik kinguneqarsinnaavoq, tassa Nuummi Qaqortumilu internet-imut akit appartinneqassappata, taamalu nunap sinnerani najugalinnit immap naqqatigut kabili akilerneqar-tussanngorluni.

Taamaalilluni kommunip kujataatungaani illoqarfinnut sanilliullugu internet akisunerulissalluni, tamatumalu kingunerisaanik Qeqqata Kommuniani ilinniagaqarfinnut suliffeqarfinnullu unammille-qatigiinnikkut atugassarititaasut kujataanut sanilliullugu naligiikkunnaassallutik.

Taamatuttaaq akilersuisitsinissap kingunerisaanik immap naqqatigut kabilip suli avannarpasinneru-sumut ingerlateqqinnissaa TELE-mut imminut akilersinnaajunnaarsinnaalluni, tassa illoqarfiit kabilip taliffigisai immikkut iluaqutissillugit pitsanngorsaannermut akiliuteqartinnngikkaanni.

Allaffeqarfiup naliliinera

Allaffeqarfik naliliivoq, allanngorartunik akeqartitsinissamik innersuussinikkut, nunap iluani PAT-imut tunngasutigit peqarnernik pikinnernillu pilersitsisoqassaaq, tamatumani Nuummi Qaqortumilu najugallit sukkanerusumik massakkumut atugassaqartitaaginnaratik, aammali nunap sinnerani atuisunut sanilliullugit atuinermi akikinnerusumik akiliuteqartalissallutik. PAT-imik periusissatigit tamanna innersuussutigineqarpoq, aningaasaqarnikkut pikkorippallaamik nassuiaateqarnikkut. Taamaalilluni PAT naapertorlugu aningaasartuutit aaqinneqarnerisigut tamanna pisinnaalerluni, ersarinnerusumilli nassuiarneqarani, illoqarfinni allani aningaasartuutitigit aaqqiineq qanoq ittunersaq.

Taamaalillunilu internet-imik atuinermut akitigit nunami tamarmi atuisut immap naqqatigut kabili akileeqataaffigissavaat, illoqarfiilli marluusut taakku, tassa immap naqqatigut kabilip taliffii akikinnerusumik atuisinnaatitaassallutik, nukiup taliffinni pissarsiap annertunerata kinguneranik. Taamatut akitigit pikkorippallaamik aaqqissuussineq innaallagissap akiatigit atorneqanngivippoq, tassa Sisimiuni erngup nukinganik nukissiutp atulerneratigit apuuttoq annertoqisoq, innaallagissamik atuisunut akikinnerulersitsinngimmat. Taamaattumik innaallagissamut tunngasutigit aningaasaliissutit atuisunit utertillugit akilerneqartussaapput. PAT-imulli tunngasutigit akiligassartaa massakkut nunap sinnerani atuisunut ingerlateeqinniarneqarluni, naak immap naqqatigut kabilip taliffiini illoqarfinni marluni internet-i annikitsuinnarmik akeqalersoq. Tupaallannarporlu Namminersorlutik Oqartussat suliamit suliamut aningaasartuutitigit assigiinngitsunik naatsorsueriaaseqarnerat, tamatumani illoqarfiit pingaarnersaanni pitsaasumik atugassaqartitaanissaq salliutillugu.

Taamatuttaaq allaffeqarfik naliliivoq, immap naqqatigut kabili Maniitsumut, Sisimiunut, Aasiannut Ilulissanullu piaarnerpaamik ingerlateqqinneqartariaqartoq. Taamaattumik PAT-imik periusissaq tamatumuuna ersarinnerusariaqarpoq, massakkumi imatut allaqqasoqarmat Sisimiunut Ilulissanul-luunniit kiisalu (immaqalu Maniitsumut).



Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap aggustip 16-ani 2011-mi ataatsimiinnermini suliaq sularivaa.

Innersuussut

Kommunalbestyrelsimut akuereqqullugu innersuussutigineqassaaq,

Qeqqata Kommuniata tusarniummut akissutissamini, illoqarfiit immap naqqatigut kabilip taliffii kukkusumik ersarinngitsumillu pingartinneqarniarnerannik patsiseqartumik, illoqarfiillu kommunini avannarliusuni marluusuni amerlanerusut immap naqqatigut kabilimut atassusernissaat amigaataamat, PAT-imik periusissatut siunnersuut ajunngitsortaqaqaraluartoq itigartitsissutigissagaat

Aalajangiineq

Innersuussutigineqartoq akuerineqarpoq.

Ilanngussat

1. Attavigissaarneq: Grønlands IKT-strategi 2011-2015 (del 1) kal
2. Attavigissaarneq: Grønlands IKT-strategi 2011-2015 (del 2) kal



Imm. 13 Imigassamik aalakoornartulimmik sassaallersinaanermut qinnuteqaat – Galleri Enoksen

Journalnr. 70.06.00

Tunuliaqutaq

Rasmus Enoksen Holt Galleri Enoksen-imi, Ane Sofiap Aqq. 2, B-425, Sisimiut imigassamik aalakoornartortalinnik kimittuunik kimikitsunillu sassaallersinnaanermut qinnuteqaammik 2011-mi juulip 14-ani nassiussaqqarpoq.

Maleruagassatigut tunngavissaq

Imigassamik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq. Inatsimmi kapitali 2 naapertorlugu imigassamik aalakoornartortalinnik kimittuunik kimikitsunilluunniit nioqquteqassagaanni sassaalliissagaanniluunniit imigassamik aalakoornartortalinnik nioqquteqarsinnaanermut/sassaallersinnaanermut akuersissummik pigisaqarnissaq piunasaqaataavoq, soorlu aamma Imigassamik aalakoornartortalinnik nioqquteqarsinnaanermut/sassaallersinnaanermut akuersissut kommunalbestyrelsimit tunniunneqartussaasoq, akuersissullu inimit ininulluunniit aalajangersimasunut atatinneqassaaq.

Pissutsit atuuttut

Illup B-425-ip pisiniarfittut atulernissaanut akuersissut Teknikkimut Avatangiisinullu immikkoortortamik tunniussisoqarsimavoq decembarip 10-ani 2010-mi.

Galleri Enoksen takornarissanik isertoqartuartarput, amerlasuullu apeqqutigisarlugu immiaaraateqarnersut viinniuteqarnersulluunniit imerniartarfiliaqqaarusussimanngikkaluarlutik, tamanna pillugu takornarissat pitsaanerusumik sullikkusunneqarput.

Uani pineqarput, ullut tamaasa nal. 12:00-imiit 18:00-imut, ukiut tamaasa piffissami 1/4-1/10 aneersaartarfimmi sassaallertarnissaq.

Kalaallit tunisassiaat sassaalliutigineqartassapput soorlu Godthåb Bryghus-imiit immiaaqqat aamma nunap paarnaanik brændevin-iliaq aammalu Porse, kiisalu Næstved-imi vingård-imiit qallunaat vin-iliaat.

Innersuussut

Kommunalbestyrelsimut akuersissannorlugu innersuussutigineqassaaq, Galleri Enoksen, Ane Sofiap Aqq. 2, B-425, ukiuni pingasuni atuuttussamik piffissami 1. april – 1. oktober, type B-mik imigassamik aalakoornartortalinnik kimittuunik kimikitsunillu sassaallersinnaanermut akuersissummik tunineqarnissaa nalunaarutigineqassasoq.

Aalajangiineq

Innersuussutigineqartoq akuersissutigineqarpoq. Piunasaqaatit eqquutsinneqarpata.

Ilanngussat

Ilanngussaqaanngilaq

Imm. 14 Tamalaat

Søren Alaufesen apequteqaatigivaa Maniitsumi tuniniaavimmi perusersartarfeqannginnera pillugu nassuiaateqartoqassasoq.

Maniitsumi Teknikkimi Avatangiisinullu pisortaq nassuiaanermini oqarpoq perusersartarfeqalereersoq.

